

誣告之律以徵後來不可置也下兵曹議之○初命投化倭藤九郎造
船于麻浦倣倭船體及成會諸津船于楊花渡以新造船為敵船縛草
為人列於船中亂發諸火砲射之為相戰狀命議政府六曹往觀之○甲
午世子還京城○刑曹啓咸吉道永興囚強盜每邑都里等三人依律
處斬從之○乙未工曹參判權孟孫啓今以年儉停括鹽石然監司每
歲差官巡視鹽盆例也請令監司擇剛明守令以委其任公私鹽盆
已付籍未付籍者及可置鹽盆之地與鹽戶人口多少盡令刷出且咸
吉平安亦依諸道例推刷 上謂承政院曰向者義鹽色請於一時漏
遣敬差官於諸道予以年饑不從止遣數人今又請推刷無遺予意以為
不可也○丙申傳旨兵曹二十歲以上子弟許屬忠順衛今成均五部
學堂諸生等爭先入屬今後二十五歲以上者方許入屬雖已屬者若
未滿二十五歲者削之時司憲府啓忠順衛不論老少皆令入屬英
明可學之輩盡棄其學而皆屬焉不唯成均五部盡為空虛良材美質
皆趨他歧而變為不善矣 上可其議命議政府議之其議不一上
以二十五歲為限○丁酉世子朝衍禧宮○召宗親觀擊毬○議政府
據吏曹呈啓伏承教旨火砲軍國重事不可不設官以掌之闕內合

藥之所稱司礪局使二從五品副使二從六品丞四從八品皆用內侍
府官屬兵曹祿科三軍甲士隊副隊長給料餘數給之書負二擇各司
奴婢解書算者爲之使令十亦以各司奴爲之書負迤兒職上林園給事
一使令迤兒上林園副給使二年兩都目相適受職從之○命饋衍禧
宮旁近民六十餘人○戊戌曲宴○都承旨柳義孫以母病請告賜藥
給傳遣之○傳旨奉政院李石貞子親屬且善射者前日子以爲拙
直特加職秩今聞誠妃以一婢教絃歌以與臨瀛石貞進臨瀛第曰此婢
吾妾也臨瀛即放之欲下石貞法司以問然此婢非侍者又非臨瀛
之妾罪雖無名心實不肖罷之何如左承旨黃守身等曰石貞之罪若
此則非但罷職而已遂命收奪告身○全羅道潭陽茂珍寶城興陽海
南樂安地震○己亥兩雹○世子代行講武于平康縣○咸吉道都節
制使報吾都里指揮斜老秋也豆麼等推刷楊里人奉勅出來其勅曰
皇帝勅諭幹木河居住建州左衛指揮額黑里男鎖兒哥帖木等近
聞往牟楊木答兀帶去遼東土民十家見在爾等處寄住今已革心向
化欲復回還爾等亦各欲送來茲特遣勅往諭爾等宜遵奉朕命即將
前項人口盡行放回令的當人護送至遼東撥兵鎮守官處庶見爾等

忠誠之意朝廷論功陞賞必不吝惜不許仍前留拘阻當致彼嗟怨失
所爾等其欽承之 上諭都節制使曰前此朝廷勅諭令本國送還楊里
人高早化等其時本國以不干我國回奏後欽差官吳良到國又說楊
里人事亦答以不知今豆麼等請朝廷受勅而來楊里人等去留卿皆
勿與其事且吾都里存留安業者允察董倉等嘗謀欲誘去畏我邊將
未遂其計今恐或憑籍勅諭誘引而去若然則卿宜開諭曰朝廷屢降
勅旨存留安業之人汝等不可擅便帶去禁遏不送如有不得已之勢
奉勅之人雖不可侵脅亦不可示弱縱其所爲卿審其事宜臨機善處
○庚子兩電

世宗皇帝大正實錄卷一百九

○庚午兩節

人無不同... 元... 其... 宜...

... 元... 其... 宜...

... 元... 其... 宜...

... 元... 其... 宜...

... 元... 其... 宜...

... 元... 其... 宜...

... 元... 其... 宜...

... 元... 其... 宜...

世宗莊憲大王實錄卷第一百十

冬十月辛丑朔傳旨禮曹

文昭殿薦新各以月令薦進已有成法然

萬物之生不齊或有其月未及成熟者若可及之物趁時以進毋或稽

緩○壬寅司諫院左正言金長春啓向者田制色請減站驛寺社及文

廟等田獨不許寺社田臣等以為文廟田尚且革之而寺社田如舊於

後世見聞何臣等又以年凶請停監浦等築城未蒙俞允今下三道之

饑倍於曩時請須停之非特下三道黃海江原兩道又傷於水旱諸道

侍衛軍之從東宮講武者請便道罷遣其未番上者亦命除之 上曰

寺社田 祖宗革之殆盡其存者幾何田制官自以為儒者請減寺社

田夫僧徒既非麋鹿盡革其田何以得生築城本欲為民今若停之明

年又如此無時可築也允備邊司惟力所及者則為之可矣侍衛軍昔

太宗時雖當凶歲悉令番上其時有人以年荒請停番上者大臣請罪

之以其若從其請則後必因循也予執心不固屢從人言以除番上今

若等又請之將議諸大臣長春曰寺社之有田少而無者多僧徒猶生

盡革何妨築城雖曰為民其如年饑何 上曰文廟雖無田官具梁盛

矣僧徒若給官廩當盡革其田矣且汝等當此時盡汰僧徒乎如其不

然豈可盡革寺社之田乎當閑暇之時而不築城變生不虞其能及乎
大臣有言其不可廢有言其可停然勸禁之者豈不審年儉而強築之
乎誠不得已也待衛軍士子即罷遣其餘番上者當與大臣更議○癸
卯遣知中樞院事洪師錫如京師賀明年正兼獻海青一連○傳旨兵
曹今年失農民生可慮諸道待衛牌限丙寅年八月勿令番上且代
行講武隨從待衛牌獵罷日隨即放送○司憲府啓中樞院副使柳守剛
嘗爲慶尚道監司救荒諸事曾不顧慮失農之狀不以實啓有違分憂
奉職之意請罪之命勿論憲府又請不允○甲辰以朴堧爲中樞院副
使安止爲仁順府尹○初 上以行宮在門外諸司供上之物勿令婢
子轉輸安平大君瑢路見婢子戴供上者以啓下內資判事金填尹金
徑判官朴回注簿邊大海郭紆直長吳佺宋啓後內贍判事慶智少尹
柳陽植判官申仲舟注簿洪伊崔湑直長李培倫李仁敬于義禁府
鞫之罷其職○乙巳議政府據兵曹呈啓朴丁及僧義宗妄告新地欺
罔國家驚動入聽非惡莫甚請令義禁府拿來推鞫依律施行從之○
丙午世子至自講武朝衍禧宮○工曹參判權啓孫上書曰忠順衛之
設出自宸衷蓋慮其衣冠子弟之仕路狹而沉滯者可因是以發達也

聖恩周洽仁同化育大小臣僚莫不歡呼此往昔之未違而國家之令規也大抵法立則弊生彼重則此輕古今之通患命下之日中外學校棄書冊而執弓矢雷動雲合至於不在門蔭之別者亦且貿貿棄業而之他焉惟仕宦是求以學業爲餘事爭習射御者不知其幾千而留居成均者僅數十人廢業冒進一至於此其爲父兄者亦以子弟之入仕爲幸者比比有之文風士習靡然趨下曾謂法立未幾而弊遽如是乎深可歎已臣竊伏惟念學校者扶天理立人紀蓋不可一日忽也忠順雖曰軍士既無把守巡綽等苦其閑歇與忠義衛等九日在家三日入番而已已屬人內年過四十摧頹已甚不堪爲學業外宜於出番之日並令依舊入學讀書其不曾隸學舍者亦令於所居部入學禮曹嚴立課程憑考行藝如有懶不就學重犯教令者則移文兵曹削籍忠順以警其餘續後願屬者兵曹考其中外學籍而謄名者方許入屬出番之日亦如上項而就學如是而明畫其規矩昭示勸懲則學校可興而文風振起仕路大通而民望浹洽庶無偏廢之失矣○宗簿寺啓護軍洪治死未葬瑞山尹譏欲奸其妾不得一日以微服徒步至其妾兄家搜之不得反箠妾兄淫蕩無節請論以法命削譏職宗簿寺更請黜外以

懲之不允○巳酉移御首陽大君弟○庚戌議政府據兵曹呈啓忠義
衛子弟教訓之法雖立而然無考課之條故無所勸懲自今所讀經書
張數逐日置簿教官監署呈番節制使送于忠勳司每月季節制使同
忠勳司官考其教官勤慢報兵曹不仕九日以上者罷職前銜則當叙
不叙歲抄考其受訓人講書通否通多番加資從之○司憲府啓前縣
監鄭璣告今以行司止朴堧子自荆爲女督自荆慊資裝不備且以女
肥短托言失行棄之下義禁府鞠之以未得情 上曰大抵決獄以不

失大綱爲主義禁府徒以自荆泥醉使酒等事爲主而欲決皆末也其
女若眞失行則自荆其夜當即棄去仍宿其家至朝姊毋來鄭家贈禮
物送之婚禮可謂成矣自荆觀其衾褥衣服之不華厭其貧寒托以失
行而棄之此矣義禁府更鞠果驗自荆坐誣杖六十徒一年復令完聚
○忠清金羅慶尚道都巡察使金宗瑞復命啓曰洪州興陽牧場水草
俱足但山腰有雜木許人所伐復令放馬瑞山郡都飛山若置牧場則
放馬三四百匹然徙民三百二十戶然後乃可爲也又水草不足勿令
築塲泰安郡西北自知靈山浦口至于波洽島二十餘里橫截築塲可
矣然其間民居幾四百戶遷徙甚難因前知靈山大小山利山串三牧

場今又增置禿津串新串二牧場可放四百匹咸平縣海際串可置牧場
然居民二百戶亦難遷徙請於海際之瓮巖及城浦築二場可放五百匹羅
州押海島可放馬六百匹其居民六十戶刷出居陸珍島郡風土與濟州相
似宜爲牧場除民居田宅外自件示未浦至于彌士浦可放四千匹自富
之山頂至于倉浦可放三百匹自海原東至于德柄平可放二百匹徙三
處民七十戶于邑城近地築場靈巖郡黃原串可放四千匹其居民四百
餘戶散處海邊四無救援海賊可畏並皆刷出築場巨濟縣溟珍浦築場
歷鵝川城隍堂至于加羅山可放三千匹且諸道牧場內之田依濟州例
聽民築場耕作從之○壬子召集賢殿直提學金汶李李旬傳旨曰戶曹
以錢幣難繼請改用楮貨其考古制以啓沒等稽古制以進李旬又上書
曰泉貨之法歷代所重也我國專用布幣其來久矣至本朝以楮代布以
遵華風其美事也但人心憚於改舊不樂從新故嚴立重法以督其行而
少民怨咨里巷之間至有鈔出國鈔鈔之語鈔鈔者諺語貧乏之辭也此
深疾楮貨而形之於言也然此特人心不習而憚之耳非法不良也行此
之法堅如金石日月既久則流行後世可無弊也乃代以錢又立允諸貿
易不用雜物之令嚴加重罪至沒財產愚民犯禁反以爲怨臣舅躋上書

深陳犯法之弊其後稍弛其禁與判府事卞季良同過市中市人曉見季良曰相公請除錢禁吾輩咸謝季良指示錢曰非我也其是也其人傳呼曰活我者是公也此臣耳目之所見聞也新法之行其難如此今又改錢用楮人心胥動勢所必至也錢楮兩幣固不可輕重也然施行之際豈無利害乎臣請陳之楮幣始於宋盛於元而亦時王之所行也然用楮之時臣親聞之字有明白暫不疲軟者爲上品價米五六升暫至疲軟者爲中品價米三四升其疲軟破毀者爲下品或直一二升或至不直一升者非其官之定價其勢然也亦不可強使同之也今若行楮幣則不可不定其價官定其價則一楮貨之價豈止五六升而已哉楮幣特半張紙耳傳至幾人手而上品爲中品中品爲下品乎國家又豈肯別立三品之價歟民之犯禁可前知也民有犯禁則不可不加刑也今立嚴刑之法則民之怨咨與初行楮幣之時何以異哉且改法之時人心之擾攘必矣錢幣則自歷山之鑄無代無之今之欲改特患銅乃異國所產難繼之物且已鑄錢文爲工匠所鑄與夫流入倭國日至於減耳非有巨弊不可行也臣考文獻通考及諸書乃有鐵錢之制論其錢品雖在銅錢之下然其並行蓋亦多矣今以鐵鑄之則無改法之紛擾又非難得之物當絕盜鑄之弊雖曰流

入倭國倭人之崇用鐵錢亦未知似銅錢與否也從不能永絕兩弊產於
本國其用無窮豈有難繼之憂哉且錢文之價或輕或重有時而異然輕
則一市皆輕重則一市皆重未有擇善惡如楮貨三品之殊也時俗雖不
興用亦無所憚人心安焉何煩更改以亂人心哉楮幣始於張詠金史稱
其銅少權制則錢其本而楮特救弊之物耳又何必舍本而之末乎且要
其終而言之萬卷楮貨一無所用一貫錢文可成一器若使人去取兩幣
人心所樂疑當在於錢文也自行銅錢之法嚴立鑄器之禁鑄器乃日用
所切不可無也若立鐵錢之法則盜鑄重事固在不忍鑄器之禁所當除
也臣又謂貨幣不可制一定之價亦不可專用貨幣而禁他物之兼用也
臣今所聞市重錢文之價米賤而錢無及時之用則一升之米或至十三
如有和賣等事而緊切於用錢則或少至七八米之貴賤錢之緩急自
有其時未可以一槩定也非獨錢也凡物皆是若以京中縣布之價言之穀
貴則一匹之價米僅止四五斗穀賤則幾至一石若不論其時宜而一一
同價豈有變通之義乎以此推之他皆可見此不可制一定之價也我國
風俗允諸買賣必以縣布定價絲布未足充以他物其來尚矣不可遽革
也雖欲革之勢亦甚難如欲買田莊第舍則率以縣布計之或至數百匹

不用雜物專用貨幣則數百匹繇布計錢數百餘貫雖富商大賈未易辦也況其他乎且日用所急買賣之物直綿布數十匹者多矣一用貨幣而禁用他物則蓄錢數十餘貫者幾人禁他物之無用亦甚難矣非獨民間之買賣然也至於尚衣院奉常寺濟用監所納布價皆用正布且換易諸君第宅亦用布貨此特大槩耳其他支給用布亦多國家亦未是專用貨幣也雖欲盡用貨幣臣恐國家所蓄錢文亦難充也臣又謂法之不行自有司始允諸收贖與其徵關專用錢文載在國典然而刑曹義禁府徵贖之時雜用貨布各司徵奴婢工匠之闕或代以紙或納他物京中如此何禁外方乎監司如此何禁守令乎此有司先擾之也京中暫有和賣之事則一日之間錢價甚高使中外官吏一依國典允諸收贖與夫徵關皆不用雜物國家支給之事及各司奴婢之貢以錢文為主則不制一定之價不禁他物之用錢價日高不煩刑罰而貨幣興矣若立鐵錢之法則有司必以爲楮幣之造功省費少錢文之鑄費多難成不如楮貨之爲便也臣意以爲改法重事不可輕也且無關輕重有當爲之事則猶不可已也況此錢幣爲國重寶何憚其費乎埋炭之役鼓鑄之事亦不待興大衆而爲之也伏惟聖裁召左議政申際右議政河演左叅贊李叔時右叅贊鄭

麟趾戶曹判書鄭萃及汶季旬使世子傳旨議鐵錢便否槩等皆曰鐵錢難鑄季旬曰初行楮貨改用銅錢今又改爲楮無乃變法輕數乎昔宋文帝時江夏王義恭請改錢法何尚之論違衆立法何能以或不聽而改未經旬時其法果不行今日改法安知後日之不如也乎今聞通事金辛之言中國鑄鐵甚薄而美好若果如此猶可行也世子謂諸相曰此言如何槩等曰此言似矣鐵錢難行也雖改楮貨不峻其令任其所用終必無弊○癸丑慶尚道都觀察使李季麟上書曰臣於七月受命而來巡視田野道內久旱不雨若慶州安東河陽慶山大丘清河尚州善山星州榮川醴泉永川義興金山開寧比安寧海盈德迎日長鬐義城興海禮安真實龍宮奉化新寧軍威青松昌寧玄風仁同居昌等州縣災傷尤甚水田高地則全不立種雖或立種皆苗而不秀旱地則七月雨後苗勃興而反朽亦秀而不實者十居八九旱田雖不似水田然或種疎不盛或遭霜不實其實而收穫者才半矣災傷之處已有免稅之規其不實之田若從舊例收稅則雖盡收其田之所出臣恐不足取盈之數矣况今連年失農民生窘迫比屋皆然雖欲稱貸而益之不可得也臣竊謂癸亥之災未若今年之甚特施仁恩用減稅糧伏望量

減失農州郡租稅以厚民生不報○丙辰霧大風雷雨○丁巳議政府
據兵曹呈啓開國之初諸臣與兵之時諸道侍衛牌勿論歲之豐凶並
皆番上各屬其家田獵土木之役使之如奴輩私兵之後一歲之內一
月番上又無土木之役休息大過然近來或因年荒屢除番上以此歲
稍不稔皆願還鄉告狀申訴若此不已因循蹈襲軍政必至陵夷國家
之慮莫此爲甚今田制有年分九等之法自今侍衛牌所居州縣年分
下之上以上者悉令番上下之中點考放送下下年全不番上以爲恒
式從之○戊午世子引見都承旨柳義孫等傳上旨曰近判書金
宗瑞言民間多事今欲遣官諸道問民疾苦然部民告訴之法不可行
也宗瑞又言驛吏凋殘太甚監司巡行驛騎幾至五十匹今欲定其數
不過十匹如何又下三道監司依東西兩界例留鎮一州統察諸郡程
驛之弊可救矣左承旨黃守身曰當今守令何至侵擾百姓如此乎若
其細微之事間或有之矣同副承旨李純之曰宜遣暗行敬差官往察
州郡義孫曰宜無時發遣行臺諸承旨又曰監司巡行馬匹不可少又
不可限其數也世子又問曰近年民間騷擾其弊何由義孫曰守令侵
刻民膏以支使客此百姓受病也左副承旨朴以昌曰假令上欲用一

張紙監司倍數分定州郡州郡又倍獲聚斂於民九百事為皆是民間之弊固其宜矣當今節用為急○已未成均生負黃季夏等上書曰國家之治係乎人才之盛人才之盛關於師道之立自古帝王所以建學立師養育人才者以此也竊見大司成金泮稟性真醇學術博雅者在太宗之時先正臣權近上書薦其學行之高自是國家尊信其賢歷試華秩歲在己酉始除司藝歷司成大司成至于兼司成其間不懈于位循循教誨講論性理培養邦本者今已十七年于其作人之功誠

不細矣近年登科之士彌為文學者大半皆泮所教也國家褒崇其功授僉知中樞以尊其位仍兼司成以掌其教不意曾未數歲落僉知降為大司成位秩之高卑縱無關於教訓無乃有虧於明時崇重師儒之意乎臣等竊自有憾焉昔後漢光武以博士拒榮擢為太子少傅兼賜輜車乘馬者褒其稽古之力也伏惟 聖裁臣等又有憾焉前大司成

金為民氣稟淳朴學問篤實唯知奉公勤於職事歲在癸丑授以司成甲子升為大司成表儀儒林曩者銓曹罷去其職臣等驚惶失措以為若以曠職而罷之則再經成均孜孜訓誨以為衰耗而罷之則聰明無減且非致仕之年矣以為下科而罷之則其罷之也當在七月都目矣

觀其不罷於此時則知其考功之居上矣臣等不知所由徒自痛惜伏望 聖上收用舊績不廢人善復就舊職不惟臣等之權祈實斯文之大幸也昔孔戣致仕韓愈上書曰視聽心慮苟未昏錯則未聽其去以明人君貪賢敬老之道伏惟 聖裁不允爲民本無經學加以老耗諸生絕無受業者但憑几就睡而已○辛酉世子引見都承旨柳義孫等宣 上旨曰駙馬不可不學依宗學例建官置師則不可也今駙馬各自私學讀其書畢則或予親講或令承政院講之何如義孫曰令各詣所居部學堂受業爲便左承旨黃守身曰以駙馬受教於部學爲難宜如 聖教世子又曰醫學人所共賤然所係甚重向者擇良家子弟年少聰敏者若干人俾習其業然此輩以醫業爲賤爭相窺覷今欲使登科者習之何如守身曰登科者固欲揚歷華秩今令習醫必不用心昔漢學講隸生以登科者爲之未有其効此其驗也○乙丑議政府據兵曹呈啓伏承教旨下三道欺隱稅糧人吏入居兩界者屢擊鼓申訴則必有無罪而抱冤者今監司更詳分揀以啓臣等參詳右人等罪合痛懲然遇赦未盡推覈果或有罪魁脫漏而無罪者橫罹請令監司擇定剛明守令更加推覈錄其欺隱卜結之數以啓此後如有陳訴者更令

閱實所告不實論以制書有違而後入居若守令推覈不以實者亦令
罷黜 從之○丙寅刑曹啓今年漕轉舩五十餘艘遭風敗沒失米豆
二萬五千五百餘石死者二十五人請罪巡訪使尹得洪從事官柳規
及敬差官南蒼 命規等贖杖有差得洪勿論咸吉道監司報野人
餘無乃等十戶楊里人多羅一戶願居境内教乙加退之地命議政府
禮曹議領議政黃喜判書金宗瑞左叅贊李叔時議宜從其請但楊里
人元係上國每降勅諭推刷若并存接後如敗露於義不可開諭遣還
左議政申槩右議政河演左贊成皇甫仁右叅贊鄭麟趾叅判尹炯議
一時歸附之人不可區別並皆存接 上從喜等議○諭咸吉道都節
制使都體察使皇甫仁之行浪甫兒罕一不來見其子護軍浪伊升介
超授四品正兼司僕深蒙國恩妻子尚在京中請告還鄉而亦不來見
是必有異心卿合親信野人伺察其志且謂浪伊升介曰爾為近侍不
可久留不還如此舉義開諭督令上送又諭會寧節制使李仁和予使
卿久在邊塞者以其生長本道深知事體能撫野人也今聞浪甫兒罕
童所考加茂等皆厭卿起怨以至願欲移居則卿久在邊方始勤終怠
待野人以簿不以恩信也禦戎之道固不如是 綏之以恩繩之以威恩

威蕪盡乃能悅服卿勿終怠撫綏得宜以副予意○義禁府啓朴丁欲其邀賞妄告新地欺罔天聰至於動衆遠行虛費糧餉僧義宗以新地之說誑誘愚民欲率與俱往驚惑衆聽律皆當斬命減等各杖一百○丁卯司憲府啓朴丁義宗等妄告新地使國家動衆勞民虛費糧餉罪在不赦而未減施行中外缺望請置於法 上曰往者妄告新地者非一皆寬其罪何獨朴丁而置之極刑乎○議政府據禮曹呈啓成均館牒報謹按大戴記云年三十四十之間而無藝則無藝矣孔子亦言其進德之序曰三十而立勉進後生曰四十而無聞焉斯亦不足畏也先儒從而釋之曰人之血氣三十而壯四十而定過此則神日衰怠少能精進古人多以三十四十爲成德之序今之英明可學之輩未至三四十舍其學問而即求仕進甚者早筮仕路蕪洽於學徼幸一得非徒不專其業心術亦壞有累道學自今除元不讀書者外生負進士四十而不能自勉者幼學三十而不能自立者仍許入仕且忠順衛已入屬者內生負進士年未滿四十者幼學年未滿三十者並令罷黜還歸於學以重教化之本下議政府議之右叅贊鄭麟趾曰限年入屬曾以二十五歲爲定不必更議願依甲士侍衛之例分爲三番輪次侍衛其中

元赴學舍者下番年及出番日許令就學讀書左議政申槩右議政河
演曰忠順衛專爲家門子弟不學無能未免自身者設也生負進士雖
未得登第固非自身之例且年過四十而不第授以教導其他成衆處
亦許入屬仕進之路不爲不廣况以大學之生出番則挾冊受業入番
則衣甲帶劍列於羽林似乖大體生負進士勿許屬忠順衛以專所業
皆不報○戊辰論咸吉道都節制使前此國家於吾都里多方撫恤竟
不得留逃去之時與兵追捕亦不能止奏達朝廷又不得請其部落情
願仍留者亦數數逃去深思往日之事誠可愧也今聞體察使皇甫仁
之言其仍留者安心土著無移徙之勢予甚喜之然近得卿書童所老
加茂等言部落之遠居者若移徙則吾不能禁此言亦可慮也卿其詳
稽累降內書事目善處施行若任其逃去而不禁固未可也固欲留止
而制禦大過使聞于上國亦未可也卿以此意密論邊將撫之益篤
制之得宜使無浮動之心○命集賢殿副校理金禮蒙著作郎柳誠源
司直閔尊和等哀集諸方分門類聚合爲一書後又命集賢殿直提學
金汝辛碩祖副校理李尚承文院校理金守溫聚賢官全循義崔閔金
有智等編集之令安平大君塔都承旨李思拓右副承旨李師純僉知

中樞院爭盧仲禮監之歷三歲而成凡三百六十五卷賜名曰醫方類聚○已巳議政府據禮曹呈啓前此事大表文稱稽首本國中外箋文稱頓首謹按禮記郊特牲大夫之臣不稽首非尊家臣以避君也注云諸侯於天子稽首大夫於諸侯亦稽首惟家臣於大夫不稽首者非尊重家臣也以避國之正君也乞倣古例中外箋文頓首改稱稽首從之○十一月壬申議政府據禮曹呈啓諸種野人每年往來頻數驛路凋弊若禁其來朝有乖撫綏之義自今定每歲來朝之數兀良哈十行骨春及吾都里七行每行酋長則正官一伴人四其餘則正官一伴人二以爲恒式毋使一人每年上來量其踈數待滿三年輪番上送且忽刺温地壤隔絕眞丐直介親朝者罕有之女眞人詐稱子婿弟姪冒名來朝以要賞賜其所來朝非出於誠義當不納然不可遽絕一歲來朝不遇五行其近居邊境林阿車丐未車大小居節南納高說高漆等諸種丐知介來朝者一歲不過二行正官伴人之數如上其餘女眞人或詐稱丐知介冒名來朝者都節制使拒以不納若稱酋長使送受文引來者都節制使厚慰仍遺土物遣還若諸種一時上來則驛路受弊量其多小必待農隙分運上送從之○癸酉禮曹佐郎李善老啓臣自江

界窮歷諸山以求新地鴨綠江以南則無所疑也然新地之說喧騰已
久無知之民謀避徭役舉室逋亡或至死亡或至困苦兩界之民騷然
未已民之所疑之地不過江界之味獻以東北青之伐相以西咸興之
阿蘭以北惠山之鴨綠以南也今觀形勢大略自江界至北青相距幾
十五六日程自咸興至鴨綠相距幾十日程其間所在閑曠之地四山
回抱衆水環流土田可耕人物可居誠郡縣可設之處也臣妄謂割邑
無用之地別立一縣寬其賦役期以數年則鴨綠防禦不勞而自固新
地有無不求而自見無知之民流散之弊將自此而永絕矣況其中又
有門巖之石可一夫當關而萬夫莫開真天作危險之地也脫有彼賊
乘間入守則弊有不可勝言者矣乃下政府議之政府以爲善老所啓
之地天氣寒凜不宜五穀不可以置邑但甲山郡之因車外尹賢方仇
非三水等處與甲山相距遙遠道路至險人物未易相通故避役之人
或有逃去者且蘆洞車軍萬水洞崔天已水洞熊德水洞等四處皆彼
賊所由之路防禦尤緊倘有賊變因車外尹賢方仇非三水等處孤弱
無援若置邑於三水則三水居民及魚面水洞居民本多故徙民入居
亦少且以因車外尹賢方仇非爲援勢亦強矣三水置邑爲便上遂

下諭書于平安道觀察使節制使曰三水及善老所啓之地置邑便否
訪問啓達○甲戌以尹師路爲通憲大夫柳江中樞院副使盧物載同
知敦寧府事竒度安崇直並僉知中樞院事慎詮守司諫院右獻納尹
培守右正言李挽忠清道都節制使李澄玉慶尚道左道都節制使金
允壽慶尚道右道都節制使○上謂都承旨柳義孫右副承旨李思哲司
憲執義鄭昌孫曰大明 太宗文皇帝獲麒麟福祿命工圖畫又命文
臣讚詠賦詩宣宗皇帝時舍譽星見天下表賀唐憲宗平淮蔡柳宗
元撰平淮夷雅韓愈作碑讚揚功德我 祖宗積德累仁化家爲國隆
功盛德卓越前古旣讚龍飛詩歌頌功德然其體効詩作四言頗未盡
意今又欲令文臣或絕句或長篇或讚或頌隨意撰述鋪張功德之盛
以傳萬世卿等與集賢殿官分製以進後寢其命竟不作○乙亥世子
受朝 終于繼照堂又講書筵左賓客金宗瑞言近受命巡歷下三道民
間多事生理艱難除弊之事所當講究也且監司一行驛騎無慮四五
十匹逐日奔馳人馬無休息之期驛路凋弊職此之由監司所至守令皆
欲媚悅誅索民間以備供億其弊不貲請依東西兩界之例監司兼其
道府尹或牧使挈家赴任兩期而過其殿最時及不得已巡行外不許

無時巡歷以除州郡驛路之弊又曰部民告訐之禁誠爲美法若守今
貪暴不法則民之受病何可勝言常時告訐依立法施行如國家遣使
問疾苦則許令陳訐以伸冤抑輪察官禮曹參判尹炯言方今民間多
事誠如所言祭享備邊等事外不緊雜事或蠲罷或姑停以待年豐世
予曰當啓于上○丁丑議政府據吏曹呈啓奉常寺職掌祭祀其任
匪輕近年以來擇人不精或在任未久一應祭祀間有不謹以致踈虞
有違設官敬祀之義今後判事以下依臺諫六曹郎廳例精加揀擇定
爲箇月衙門勿兼他務注簿以上待滿三十朔陞品遷轉判事須以通
訓以上者除授箇滿則陞授堂上官革副錄事二人增置判官一人其
箇月內因寺中公事錯誤杖罪三犯笞罪四犯者箇滿當遷時毋得陞
轉仍於本品改差若供祭雜物不潔一犯罷職提調一負除他務常坐
本寺檢察諸事前此參外官以成均館校書館承文院各二人充差今
革副錄事二人以成均館二人校書館承文院各一人授之從之○賜
几杖于領中樞院事崔閔德閔德上箋謝○議政府據禮曹呈申今墨
寺僧請修病人汗蒸沐浴之具然東西活入院院既已設置以治疾病墨
寺間在閭闔不宜僧居且其汗蒸沐浴本無異効請壞墨寺其汗蒸沐

浴之器及立寶米布分與東西活人院奴婢令刑曹區處材瓦修葺倭館從之○濟州安撫使啓州及旌義大靜癩疾興行若有得疾者惡其傳染置于海邊無人之地不勝其苦故墮巖崖以隕其命誠可憐憫臣令僧人拾骨埋之三邑各置治病之所聚病人給衣糧藥物又設沐浴之具使醫生僧人監掌治療是在癩病六十九人內四十五人差愈十人時未愈十四人物故但三邑僧本有軍役請三邑僧各一人除其役常與醫生專事救療醫生亦許錄用以勸下兵曹○已卯 世子講書筵輪然官工曹參判權孟孫言今年之饑甚於丙辰今分遣監鍊官于諸道鑄銃筒民間之弊何可勝言願停罷以後來歲慶昌府尹尹祥亦言近請告往慶尚而還銃筒箭材徵歛甚為弊事世子曰當啓于 上○庚辰世子率百官行 聖節賀禮于景福宮○傳旨兵曹各司諸色匠人及籍名商賈者雖系良人勿授隊長隊副並除上林園職○辛巳議政府據吏曹呈啓刑曹都官郎廳本有褒貶之法歲壬子詳定所議罷之然刑曹斷獄之官都官決訟之司其任匪輕自革褒貶以後或搆病或托故懶不勤仕京外獄囚及累年訴訟淹滯不終究抑莫伸有違治體上項刑曹及都官郎廳依舊褒貶且翊衛司以東宮衛士亦無褒貶以

致待衛虛疎令所掌兵曹廢貶從之○癸未傳旨戶曹今年農事不登
民生可慮貢法試行下三道年分試驗六邑外其餘失農州縣每一結
旱田減六斗水田半減次失農州縣每一結旱田減四斗水田減五斗
不失農州縣每一結旱田減二斗水田減三斗○甲申世子率百官行
冬至望闕禮于景福宮停本朝賀禮議政府進表裏鞍馬諸道進箋○
設豐呈宗親侍宴賜宴二品以上于議政府集賢殿副提學以上于禮
曹又饋倭野人于景福宮南廊○乙酉司憲府啓市廛工商販賣之物
率皆假偽或囊沙覆米或以木皮破席暗藏靴鞋如此之類難以悉舉
愚民每被誑賤隨買輒毀虛棄價錢欺詐日滋不可不禁謹稽故事監
察分臺京市檢察奸偽今依此法監察一人日於京市署近地分臺糾
理如有犯者推鞠直決從之○丙子世子觀射于慕華館○諭諸道監
鍊官今年失農銃筒軍國重事不得已鑄成今聞皮翎及箭材徵求有
弊軍器監言箭翎不必用皮而竹木亦好箭材不必用自作木而榆木
真木水清木亦可用也如此試造以除民弊○丁亥都體察使皇甫仁
啓東西兩界行城邊民萬歲久安之策赴役軍人或羸弱或不及期或
不來赴者頗多必是各官守令不用心之故也若不痛懲則視爲常事

漸至陵夷大事難成竊稽庚申年受教築城軍各官守令皆以壯丁簽發及期赴役違者除收贖決答又行城之役無異行師一應犯罪者惟功臣及有服之親二品以上啓聞科罪請申明此法令監司依上項受教施行論罪置簿三犯者罷黜軍人一百名不送者守令杖一百罷黜從之○議政府據兵曹呈啓甲士分六番時每一番捉虎四十吹螺赤二十今合爲三番每一番捉虎八十吹螺赤四十其數過多捉虎依前數四十吹螺赤每衛置二人共二十四人爲定從之○傳旨刑曹雖死囚慎勿枉加刑杖每當拷訊務盡矜恤以副予意○戊子兼判吏曹事皇甫仁判書韓確參判李承孫啓本曹郎廳以軍資副正權尚恭未滿箇月授平壤少尹被劾憲府臣等亦請避嫌仍啓曰近日知吏兵曹承旨不入政房以此傳旨及本曹啓達之事出入之際或致違誤請復令承旨入參 上曰卿等毋避嫌承旨依舊例入參且命憲府勿劾郎廳○己丑議政府據吏曹呈啓凡朝官奉使在外遷他官者官教朝謝待復命謝恩後賜之故未還前又遷他官或有故終不受者有之奉使在外者雖不上官受命出使實同在官自今官教朝謝依守令例下送使之向闕遙謝從之○庚寅守集賢殿直提學李季向書曰近日下詢

行楮貨便否於諸曹臺諫與本殿臣適在告未與本殿之議臣之愚抱
盡在初議之時所陳之書不宜更贅然臣反復思之國家立法必當先
甲先庚後甲後庚計其永終無弊然後制之不可遽革遽行也文獻通
考云錢之製楮楮實爲病况偽造日滋欲楮之不弊不可得也觀一言
則楮貨之終不爲無弊斷可知矣臣前所陳仍用楮貨後將無弊特以
事理推而言之非細考古文知將有弊強爲之說也朱子曰鑄私錢做
官會此是大故無狀小人官會即楮幣也偽造之弊錢楮皆有無狀小
人何代獨無錢文雖稱有盜鑄之弊然錢之盜鑄必待工匠而後爲之
且允諸犯禁必伺其利也一貫之錢鑄之雖易而鍊磨之功非一日可
就價亦甚輕以鑄一貫之鐵鑄他器則其功易就而其價實倍工匠豈
舍其易就而倍價者肯爲其難成而省價者以取重刑哉臣恐有銷鎔
之患不患有盜鑄之弊也至若楮貨不待工匠曾有巧性者皆可偽造
也一日之間可印數千張分賣四方則其利不貲雖嚴刑不能止也况
鼓鑄鍊磨猶憚有聲必屏隱處而爲之矣印出楮貨幣無聲聞何所忌
憚閉戶爲之誰知之者利之所在勢難易露尚且爲之矣偽造印信是
其一事也然偽造印信未有露於偽造之時其偽造楮貨不露於偽造

之時亦明矣轉賣數人之後雖偽造者見之亦不知其自造矣安有露於轉賣之後乎奸偽紛紛將有不可勝過者矣人操造弊之勢古人所戒不可不預慮也文獻通考所論深得之矣且錢文無印信雖偽造亦無害也漢文帝除盜鑄之令至武帝而後復禁此其一證也若楮貨則有印信而兼用偽造其可乎銅錢難繼不可不改也臣前所陳鐵錢之法臣雖未知難易然繼銅錢者莫此若也無改法之弊無奸偽之起所當行也若曰難成歷代何以行之若曰費多不猶愈於奸偽之楮貨乎報漏自擊火箭及遠其事甚難一加睿慮皆極其至豈至鐵箭獨有不可成之理乎若加睿慮而試驗之臣意巧匠之自出雖無巧匠之出傳習水鐵之法於中國則可得其精妙之術矣凡立新法人心擾攘勢所必至也近年以來水旱相仍民罹饑饉正當掃除百爲安靜人心不宜改法之時也試驗鐵錢不必急急期以歲月可也期以歲月終無可成然後行楮貨之法亦不晚矣大抵喜言國事人皆曰矯世而干名堅執已見人皆曰固滯而不通且中庸曰敬大臣則不眩朱子曰信任專而小臣不得以間之故臨事而不眩廟堂獻議國論已定之事以小臣管見屑屑言之臣知其不可也然法立而弊謀救於後曷若先甲深

思使終無更改之爲愈也伏望聖裁不允○春秋館啓 太祖實錄
十五卷 恭靖王實錄六卷 太宗實錄三十六卷今已各書四本一
本藏于本館實錄閣三本分藏于忠州全州星州史庫從之○刑曹啓
全羅道咸平囚強盜宋毛知里等二人依律處斬從之○癸巳世子講
書筵輪叅官禮曹叅議趙遂良言輪對之法善矣廢之已久今於書筵
令群臣輪叅然旅進旅退無一人進讜言者世子曰廢輪對非以他故
也以進言者或難以不切之事耳遂良曰若如此則祇見其人之阿曲
因此可以察群臣之賢否矣請復立輪對之法又曰我國易立新法今六
典所載之法纖悉具備然猶不足隨事立法新立條章幾於千萬官吏
豈能盡知法皆由六曹而出六曹宜若盡知臣今承乏禮曹曹中之事
尚未記識况他曹乎乞於歲抄具錄其歲所立條章其法爲可行其法
爲不可行啓聞取旨使官吏皆盡知之世子曰將啓于 上○丁酉諭
咸吉平安道觀察使節制使近者公邊要害處旣築長城又無賊變人
心解弛防禦諸事恐或踈虞變生怠忽理勢之常卿其小心謹畏寢息
造次常如見敵嚴飭各處編將申明約束精鍊士卒以備不虞無有後
悔○戊戌議政府據兵曹呈啓都城外面四山以至義差山皆禁樵採

獨主山來脉三角山清凉洞及重興洞以北及道峯山無禁故樵採之徒日聚斫伐漸至童兀請以山下旁近居民定爲山直禁伐從之○已亥金羅道監司申海南縣產鐵甚多請勿官禁聽民取用從之○十二月庚子朔貴人楊氏父南平縣監楊景追贈議政府左贊成○癸卯議政府據戶曹呈啓貨幣之用代各不同而本國緒諸古典又倣上國之制始用楮貨行之有年別無巨弊特以銅錢歷代所用乃立楮幣兼用之法民心未定故又有禁行楮幣之令專用銅錢然銅非本土所產見在之數不多經費難支誠爲可慮自今復用楮貨其可行條件具列于後一永樂年間所造楮貨與今新造楮貨通用一宣德元年受教楮貨一張折錢四十一文今酌定楮貨一張錢五十文許令並用一永樂二十年受教筭一十贖銅錢六百文准楮貨六張今酌定筭一十楮貨則十二張勿收布貨一犯十惡奸盜非法殺人枉法受贓行師外徒以下之罪楮幣興用間勿論尊卑從自願並令收贖楮貨銅錢聽從所納元徵稅和賣等氏之所納於官者並許錢楮通用其所收錢京外官毋得擅用悉送濟用監一錄俸頒賜錢代以楮貨各司柴炭菜蔬燈油筆墨車錢皆用楮貨一楮貨紙令諸道州縣納休低干司贍署依前例造作

一楮貨雖柔軟字印明白則用之其破毀不堪用者還納司贍署二張換給新楮貨一張一商賈之徒將錢文潛隱貿易他境者依客館金銀貿易例大懲鑑後有能捕告者將犯人家產充賞從之○甲辰兵曹報議政府元續典及騰錄所載鋪馬之法至為詳盡諸道監司節制使處置使之行駟騎甚夥以至親戚故舊之私行者亦或給傳或憑公事使人乘駟往來他道以故驛路日益凋殘實為可慮請自今諸道不緊鋪馬一皆禁斷凡騎鋪馬者驛丞錄其匹數於馬行冊每月季封緘報監司監司不開封以送本曹監司節制使處置使巡行馬匹并錄於冊驛丞若不從實以錄者重論左叅贊李叔時議曰監司專制一方三品以下杖一百流三千里之罪亦使直斷其委任之專至矣獨於鋪馬一事尚疑之使驛丞錄其馬數報兵曹則以監司之任見制於郵吏非徒有違大體驛丞殿最在監司掌握豈能盡錄監司濫騎之數乎徒為文具耳况元典鋪馬條監司一方重任事務煩多不拘定額其餘大小別常擅發鋪馬者重論成憲昭昭何事紛更以成文具之法乎乞依元典施行凡監司不法事憲府風聞糾理載在續典其鋪馬事亦令憲府風聞糾理領議政黃喜曰濁其源求其流之清殆有難焉高麗盛時

有驛馬病肥之謠所以言其使命之少也今勵精圖治雖一城邑之基
 牧馬之場堡柵之地必遣大臣從事官審定故使命猥濫驛馳煩冗民
 不得寧頃者有遼東差來若欽差一宦者之來國家奔走之勞支持之
 弊是其驗也且我大小使臣容有率妓而行所過守令執贄以悅之豈
 其徒步而行哉亦一弊風也自今諸道如有難斷之事監司都節制使
 亦皆大臣也各具便否啓聞施行至於諸道分遣香祝除祈恩願狀外
 監司行祭香祝亦令進上回還人順帶而行毋煩使命以清其源以省
 馳驛支持之弊則亦慰民生之一端也事竟不行○刑曹啓咸吉道咸
 興囚李甘同逃入彼境依律處斬命減一等○領中樞院事崔閏德卒
 閏德字伯脩襄莊公雲海之子以蔭補官歲丙子從父征倭于寧海之
 碯浦射賊連斃之庚辰 太宗驛召賜見因問碯浦破賊之狀命仕訓
 鍊觀明日拜本觀副司直壬午以郎將超授護軍明年陞大護軍居父
 憂命起復丙戌出知泰安郡事丁亥召拜大護軍庚寅中武舉明年特
 拜右軍同知摠制尋出為鏡城等處節制使童孟哥帖木兒等服其能
 射御乙未改永吉道都巡問察理使俄遷右軍摠制戊戌進中軍都摠
 制明年拜議政府參贊 太宗命將征對馬島以柳廷顯為三軍都統

使閔德爲都節制使往督之移工曹判書癸卯出爲平安道都節制使
期滿當逆上特命留之曰邊境有變卿姑在鎮以待安靜乙巳秋復
以叅贊召還明年陞判左軍都摠制府事戊申遷兵曹判書庚戌判中
軍都摠制府事己酉命爲忠清全羅慶尚道都巡察使審定州縣城基
壬子冬婆猪江李滿住入寇閔延殺掠人民癸丑正月特復爲平安道
都制使命征之四月閔德率諸將分軍往討斬獲頗多五月擢拜議政
府右議政後賊復來警邊命爲都安撫使往鎮平安甲寅春自以武將
上箋辭議政不允明年春進左議政夏復上箋乞辭政府只行安撫之
任又不允丙辰領中樞院事庚申居繼母憂服闋復領中樞院事甲子
以年近七十辭職不允乙丑十一月賜几杖時得疾甚篤欲起拜受命
子弟止之曰疾殆矣不宜動作閔德正色曰吾平生雖朋僚相接尚不
以疾廢禮况君賜乎力疾而起冠帶出迎拜受堂下還入卧上遣醫問
疾恩賜稠重遺命不作神佛事治喪以儉素至是卒年七十 上悼甚
輟朝三日命禮官吊祭賻米豆七十石紙百卷官庀葬事謚貞烈清白
守節貞有功安民烈閔德性真率簡易多勇略爲一時名將其弟閔福閔
溫閔禮未昏而父歿聚養其家皆資給以昏土田賊獲推以與之但嘗

爲軍器監提調役別軍起第人譏之子淑孫敬孫廣孫泳孫○乙巳議
政府據吏曹呈啓竊稽正統八年四月傳旨其禁自占官爵之法至矣
然近來各司提調堂上官往往不審傳旨事意某人可任某事煩瀆啓
達且守令近民之職國家重選或稱老親侍藥公然希望至有上言者
有累於士風自今凡有自占官爵之事本曹及承政院勿許聽受從
之○司宰副正宋復元母死賜棺槨紙一百卷石灰六十石○咸吉道
都節制使朴從愚啓伏承諭書察浪甫兒罕動靜其子護軍伊升巨言
父於十一月欲朝見大明率龍城妻及兄大護軍浪仇難加麟可管下
二十餘人與上護軍金波乙大入朝當於明年二三月還臣謂伊升巨
上汝何故以近侍久不還京伊升巨曰患虐疾未果耳今欲還京侍衛但
諸處吾都里兀良哈則侍衛者多至於東良北獨有一人侍衛深以爲
悶願與弟副司直於乙巨豆族叔指揮浪宋古老偕往侍衛今使通事
黃石押三人以送下政府禮曹議之政府議云浪甫兒罕初告國家云
欲娶羅太女於龍城往來其家後又云率羅太女往來東良北國家以
撫綏之義皆從其請今率羅太女潛往上國其欺誑國家恣慢無禮甚
矣今都節使制如此詰責若羅太女還謁父母因以拘留如其不來密

令父母托疾招來拘留不遣其於乙巨豆宋古老令禮曹察其族勢強弱若非關係者只授例職遣還勿許待衛○丁未傳旨刑曹咸吉道四鎮之民當設立之初潛投彼境見執而還者比比有之予以新徙之民不能自存或因乞糧或避差役而致然不依律文皆令減死歲在壬戌政府啓四鎮之民移徙已久安業居生尚且如前逃匿是無他逃叛之刑不重也如此大辟未減從輕有違治道予從其請乃立處斬之法然自是以後予尚不忍依前未減者久矣至今年逃竄之徒益盛漸不可長也是不念國家欽恤之意奸狡莫甚難以容赦攸司請依壬戌年受教施行然慮恐各官守令於其時曉諭不詳而愚民亦或不知律該於死也而今遽置極刑亦所不忍自丙寅三月初一日以後如前犯禁者依律施行其令各官守令反覆告諭使窮村僻巷之民無不周知遂下諭書于咸吉道○戊申 上聞吏禮曹郎廳宴會命司憲府鞫之時吏曹正郎朴嶠李永看鄭軾佐郎金淡李徽金閔楬禮曹正郎朴審問趙崐曹錫文佐郎李善老李皎然及議政府舍人鄭賜檢詳朴仲孫會禮曹招致倡妓大設宴樂憲府按治竟皆削職 上謂承政院曰舍人檢詳吏禮曹郎廳於近闕公廨公然宴會召聚妓女縱情極欲恬不為愧

士風不美漸不可長此輩皆一時名士尚且如此其餘無識之徒安足責耶自今禮曹郎廳不得擅致妓女事件擬議以聞○己酉江原道監司李先齊啓每朔月令薦新及朔望進上生魚肉夏月累日之程易致朽爛甚爲不可請於嶺東江陵高城嶺西原州春川等處截冰生魚肉薦新時使得用水不至壞爛下禮曹禮曹報議政府四處藏冰爲難江陵春川兩處酌一年所用藏冰咸吉道及江原道歙谷旁近州縣薦新皆從金城到京並許藏冰政府啓令其官隨番人吏每一處只藏百錠毋得轉輸以供使客違者以教旨不從論罪從之○庚戌咸吉道都節制使朴從愚啓自鐵嶺至于五鎮大嶺巨海作險唯一大路而已其間要害有三曰鐵嶺曰磨雲嶺曰磨天嶺請設關門晝開夜閉依渡丞例差官把截三嶺東西皆有經路亦置小關以士官各一人守之命政府兵曹議之領議政黃喜左議政申槩右議政河演左贊成皇甫仁左叅贊李叙時右叅贊鄭麟趾判書安崇善叅判成念祖等議自鐵嶺至五鎮東接滄溟西阻峻嶺中有一路設關三嶺以絕逋亡似或有理然自鏡城航海而下則水路旣通逋逃者必不皆由三嶺且西指平安山蹊曲經不可勝數豈可盡設關防雖或設關如值泓寒風雪峻嶺不唯抱

關之苦冰雪四塞朝夕之水亦難得矣將何以居處於此而守之乎且
常時行旅亦被阻留弊亦不小由茲以觀設關之策既無利益而徒有
其弊人將厭苦矣 從之○辛亥議政府據兵曹呈啓甲士每歲十二
月初十日九月初一日迺番自合爲三番之後以二月初一日九月初
一日迺番或五朔或七朔朔數不均且別侍衛銃銅衛近仗防牌攝六
十等並皆六朔迺番甲士亦以二月二十日八月二十日迺番從之
○壬子議政府據戶曹呈啓市准之法因物時直平其高下以便民情
然雜物之價非一人所能悉知京市署官及分臺監察每當市准之
時邊令一二商賈臆度定價又不如意勒令增減狡詐之徒或乘時要
利任情高下或通牙行共爲奸計至於估計贓物生死關焉今後凡物
品秩及時價輕重戶曹聚富商大賈互相辨問或永爲定價之物或
一年或三朔市准之物一分揀其布貨皮鐵衣服柴木等價雖隨時或
有輕重之差亦不甚懸絕皆有一定之價並以布貨錢楮定價異土所
產銅鐵丹木白礬藥材等物京市署報戶曹隨時定價如朝夕變價菜
蔬魚肉細碎食物依前例京市署市准從之○癸丑刑曹啓典獄署
囚強盜金理等三人依律處斬從之○吾都里都萬戶童因豆等五

人兀良哈都司盡時可等七人來獻土物○甲寅議政府據禮曹呈申
有人汝訖羅年三歲被虜野人今得還咸吉道不知父母鄉貫若置其
道思戀彼土恐或逃歸請給衣服笠靴送于全羅道嫁與良女給田安
業從之○乙卯遣都體察使皇甫仁于平安道○丁巳遣仁順府尹
安止于全州禮賓少尹金吉通于忠州星州奉安三朝實錄○己未世
子代行臘享于宗廟○庚申諭京畿忠清黃海道監司司饗房分遣
諸負捕鱓爲醢諸負托以進上盜用魚鱓或率妻子以去多般營私貽
弊民間推劾以聞○辛酉兀良哈都萬戶拜麻刺哈指揮弓弄哈各率
其子來朝授弓弄哈萬戶職並賜衣一襲爵其子○傳旨禮曹倭野人
接待之事若有可議必先與政府同議啓達○壬戌歲星犯軒轅大星
○議政府據兵曹呈啓州縣邑城監築官吏已有論賞之法兩界行城
監築官吏亦依此例五年內不類者陞資連千尺以上類者論罪千
尺以下類者雖不加罪亦不行賞從之○乙丑上謂承政院曰昔韓
承舜入朝被盜劫奪後刑部捕其盜盡得其物雖小片簡亦出若有秘
密之書則悔之何及趙克寬嘗啓曰秘密事不宜錄於事目予以爲然
今卿等不知是意秘密如天文之類并錄事目甚爲不可今後秘密之

事勿錄事目別書一本今通事路間誦習至義州留置而去

世宗莊憲大王寶錄卷第一百十

宋王寶鑑卷第一百十

事之論... 一本今... 事... 論... 信... 至... 德... 伏... 禮... 置... 而... 未...

世宗莊憲大王實錄卷第一百十一

二十八年

大明正統十一年

春正月己巳朔世子率百官行望闕禮于景福宮

百官仍詣時御所進表裡鞍馬諸道進箋○設豐呈宴賜堂上官以上

及者老宰樞宴○庚午以渠為潭陽君元乃仁司諫院左獻納金統左

正言○議政府據刑曹呈啓前此一應犯罪者斷罪前又犯他罪則罪

狀雖已啓下或因行移文字未到或因故未斷因此前罪計除然啓下

之日已決其罪而未納收贖則計除前罪故奸詐之徒延拖不納故犯

他罪者有之自今啓下後未納收贖別犯他罪者答杖則不可疊論收

贖則非答杖之例勿并計除從之○吾都里都萬戶童亡乃等十一人

兀良哈萬戶婁時介等十人骨看指揮李阿時阿等四人來朝賜爵及

衣帶笠靴絲布有差○辛未議政府據兵曹呈啓犯罪人謀避入居切隣色

掌及色吏通同妄稱獨子其妄冒情迹現著當身及切隣色掌色吏並

皆全家入居其親老獨子令兵曹及所在官置簿親沒後隨即入送若

親沒而不即告官切隣色掌亦並入居從之○囚舞隊黃湜于義禁府

舊例內宴時娼妓等皆著黑色長衫元日內宴著灰色故囚之○壬申

世子朝時御所○京畿都觀察使閔伸啓今春道內救荒米以全羅道

十萬石移給然待三月風和漕轉則於正二月間難以救荒故臣曾請給七萬餘石今者只給京倉米十萬石及道內雜穀一萬石恐不敷於救急上謂議政府曰往在丙辰年間忠清道失農尤甚監司鄭麟趾啓若給三十萬石則可救道內飢民予從其請厥後人有言三十萬石不能以救之鄭奉代麟趾爲監司果如人言多有饑殍者今慶尚道失農監司李季麟請給救荒米三十萬石只給十萬石予謂慶尚道地廣民稠非忠清之比三十萬石尚不贍於忠清十萬石焉能周給於慶尚之民乎且京畿監司請給七萬石但許二萬石我國歲比不登經費不足卿等樽節之意是矣然視民之飢餓不可如此予則以爲二萬十萬石之米恐不足以救兩道之民卿等知悉此意○議政府據兵曹呈啓竊詳軍士試取之法甲士取才時外方則差使負京中則訓鍊觀考其身役有無家風實否依法試取錄名傳報後曹與都鎮撫訓鍊觀提調一同更試充差而獨別待衛京外居生自願取才者本曹無時試取故遠方之人裹糧雲集至爲繁擾本曹事務煩劇累日磨勘軍務及期之事不無留滯今後依上項甲士例京中及京畿則訓鍊觀提調外方則各其遣監司專掌試取二才俱入者傳報本曹都鎮撫訓鍊觀提調一同復試

口傳充差從之○議政府據兵曹呈啓甲子六月傳旨節該平安道賊
變體探人不願死生深入險阻艱苦倍他廢賞之典磨勘以啓敬此察
詳平安道沿邊各官各口于賊變體探人以江邊下番軍士充補甲士
正軍等和會每一處十人爲額常時則分二番有事變則合番每體探
一日給別到十五本家完護其中正軍則雖給到叙用之法未立其江
邊元體探人五百十一名南道當番赴防軍二十九名并五百四十人
內體探正軍四百九名每五十入一人三年一次取到多者八人以次
受六品以下散官職以爲勸勵從之○癸酉世子朝時御所○江原道
監司請救荒米豆九萬石命給一萬九千六百石○議政府左議政申
槩卒槩字子格平山人高麗太師崇謙之裔幼聰悍善屬文歲癸酉登
第補史官累遷司諫院右獻納轉吏曹正議兼議政府檢詳陞舍人癸
巳拜右司諫明年以言事罷未幾拜禮曹右議議歷忠清黃海慶尚全
羅道監司刑曹叅判辛亥拜司憲府大司憲壬子知中樞院事復拜大
司憲明年拜吏曹判書丙辰擢議政府叅贊命修高麗史俄進贊成凡
有議事皆召入內議之丁巳上書請行鹽法己未拜右議政上箋辭
謝上曰此非予意乃太宗遺教也甲子賜九杖乙丑進左議政至是

卒七十三 上震悼輟朝三日吊賻如儀官庀葬事謚文僖學勤好問
文小心畏忌僖槩性度端嚴處事勤恪歲癸丑野人犯邊殺虜人畜
上銳意討之大臣多以為不可槩揣知 上意上書請伐之征討方略
以至分道往擊所經道路無不纖悉辭頗詳盡甚合 上意 上覽之
大悅自是驟加擢用以為得柴晚也嘗謂左右曰槩位不稱才不數年遂為
首相寵顧無比為人頗傷苛察及居相位凡論議專務逢迎其推益入
居貢法行城允不便於民者皆槩建議倡之時論少之後配享 世宗
廟庭子自準自繩自衡○乙亥議政府據吏曹呈啓平安道合排非他
各驛之例無元厝驛吏但以無恒產民戶充之若差秩卑驛丞則必不
能布置請遣察訪從之○全羅道珍島郡人民上言本道人物元非土著皆
自他郡移來但百餘戶而已今刷流移人一百四十四名勿令還出下
兵曹兵曹啓依興陽縣例兩界逃亡人他官有役人及公賤外無役良
人癸亥年以前住居差役者勿令刷出從之○丁丑刑曹啓己丑年京
外死囚文案一百五道依允二十七道待時一減等六未決七十一○
戊寅 世子朝時御所○咸吉道鏡城府私婢丹之一產三男賜米豆
七石○諭京畿忠清江原黃海平安觀察使今年道內失農民食不裕

又於立春之後連日大雪沍寒冰凍恐有飢饉之民既不能採菜於山野又不能借貸於隣里因而絕食以致凍餒予甚慮焉卿其知悉多方布置廣行賑恤使失農之民得免飢饉以副予懷○金羅道全州泰仁金溝地震○議政府據禮曹呈啓野人賜給衣服雜物本無式例臨時磨勘非徒煩弊或有增減因此生怨今後分諸種野人族屬強弱職秩高下詳定賜給物件之數以爲恒式下議政府與禮曹同議於是以前都萬戶都指揮以上爲一等上護軍大護軍護軍萬戶副萬戶以上爲二等副司直司直司正副司正以至無職者爲三等定衣帶笠靴縣布賜給之式從之○巳卯議政府據戶曹呈啓咸古道五鎮入居人民當時未能安心土著每年行城石堡造築事甚煩劇且野人歸附未久而所耕田地差官打量則不無浮動之理行城畢築人民安土後更議打量從之○庚辰世子朝時御所○以金有讓僉知中樞院事李寧商司掌憲令吳慎之守司諫院右獻納尹重富全羅道兵馬都節制使○平安道觀察使申壬戌二月受教行移道內無度牒僧人時現推一百八名右僧等非本有善心而出家或無父母族親或因生利窮困削髮爲僧今如此無賴之徒江邊入送則非徒不安其業隨即逃散必至潛隱越入彼

士實為可慮。乞除入居本身及父母師僧里正長等依律決杖。師僧還俗各於其官充定軍役下兵曹。○辛巳判中樞李順蒙妻具氏死賜米豆十五石。紙八十卷及棺槨以順蒙為永膺大君侍養故特賜焉。○傳旨刑曹各司於凡干土木之役每稱奴子不足以婢子定送雇人代立誠為未便。今後婢子定送一禁。○壬午成均司成金鈞上書曰：伏覩主上殿下以聖敬日躋之德，盡緝熙精一之功，一念終始常在於學，其所以躬行於上而使之觀感於下者，可謂至矣。猶慮宗室子弟生長富貴，怠於學問，創立宗學，自大君以下至于宗戚子弟，莫不入學。雖三代之盛，幾以加矣。當其始立之初，有若金墁以侍講經筵之官，首為博士。凡其僚下皆以成均集賢祿官兼差得與其選者，人望之如登仙師道之尊，不言可知。不數年而入學宗親，幾至四十有餘。四五教官難堪其職，增多其員，乃或以軍職兼差於博士之官，少異於前矣。歲在壬戌，聖上深知其弊，以省郎二員及他東班顯官兼差一新其制，振起文風，蓋崇儒重道之盛心也。然不數月而變因仍之漸，至於今日，雖本為宗學而設立，成均錄官亦授他務，凡以攝副司直而兼教官者六人，臣竊觀帶軍職執鞭末而隨從諸君者，容或有之名為師表，講說聖經坐

於臯比而乃與駟從之隸同官臣恐非設官之本意大抵人之貴賤雖曰
才行實由爵位爵位不尊則人不敬慕人無敬心則其能遜志受學乎
記曰允學之道嚴師為難師嚴則道尊道尊則人敬學大學之禮雖詔於
天子無北面者蓋謂此也近年以來允為博士者支連閱則莫肯為之
雖或為之不數月而遷稍知經學者一授軍職則雖過三四載莫敢或遷
誠以訓誥之勞本非人情之所欲又雜以軍職而為當世之所輕故也由
是後進之輩爭相効尤涉獵經史專務詞章者則以為他日臺省郎官
可用之士也一有專心經學沉潛義理者則乃曰異日博士教授之人也嗟
夫不為則已豈有明體而不堪適用哉然使人心至於如此非細故也伏
惟 聖上斷自聖慮允為教官者其半皆以成均實職其半或以集賢
錄官隨品充差定為成法如有違者憲司糾理則非徒為弟子者敬受
其業為博士者思盡其職後進之士亦皆則效而 聖上崇儒重道之德雖
以而不替矣或以集賢之設本為經筵不可以他務兼之也臣妄謂講論六
經名為王子之師傅而以集賢之官分教於宗學何有不可臣伏思向
日教下允遇王子於道路三品以下皆下馬拱立至於師傅不在此例 聖
上尊尚師儒之德至於此極而博士之職漸至於此臣以此知非 聖上之

本心也臣以訓詁末學始授司藝濫居師席十有餘年近又特蒙 上恩
未滿箇月擢拜三品揆分踰涯復有何望但以博士之官終始漸異勤於
經學願為博士者由是而少故敢陳愚衷伏惟 聖裁下吏曹議之○
黃海道觀察使請救荒米穀及稻種命給八千石○金羅道觀察使啓
臨陂縣令柳孝川拷訊竊盜三人致死且以縣布六十四匹布二十匹授其
奴送于京家中路為人所獲己令差官推之請罷其職從之○癸未世子
朝時御所○傳旨兵曹今春欲令世子講武於鐵原平康等處然今年失
農而驛馬從行者必不下四百其弊不小昔予講武于豐壤等處一日所獲
禽獸至百餘今使世子就此處三四日講武以供宗廟脯醢之備擬議以
聞○義鹽色啓今各道敬差官試驗煮鹽江原道三陟鐵盆九所役船軍
六十名四十日煮鹽一百七十石和賣得布七十三匹雜穀三十二石餘鹽
二十石京畿南陽土盆十三所役船軍一百四十名十八日煮鹽六百四十四
石和賣得布二百四十八匹雜穀三十一石耕區牛價鹽三十四石餘鹽
七十九石黃海道義津土盆四所役船軍三十名二十八日煮鹽三百五
十九石和賣得布六十七匹牛價鹽六石餘鹽五石慶尚道東萊土盆十
二所役船軍一百二十名十四日又土盆十九所役船軍一百九名十五日

煮鹽六百十六石和賣得布十匹餘鹽五百九十七石忠清道泰安鹽
井土盆十四所役船軍二百名四十八日煮鹽一千二十三石和賣得
布一百六十一匹雜穀一百四十八石餘鹽三百九十五石全羅道興
陽土盆十所役艘軍一百名二十日煮鹽六百八十一石和賣得布一
百七十八匹穀一百石牛價鹽十六石餘鹽一百八十七石○甲申世
子受朝參于繼照堂吾都里都萬戶童加時波等五人骨看萬戶所雍
介等五人來獻土物○世子朝時御所○司憲府啓今春等使世子代
行講武臣等切謂今年失農尤甚各官雖給斗升之米以賑之民皆不
能自存救生不贍安能奔走服役以供其事乎且講武之時供億之
費雖出於司饗房草料諸事實出民間不無其弊請停之 上曰講武國
家大事而近年停寢已久故去秋使世子代行如此大事不可廢也不
聽○禮曹啓博學宏辭科與制科即今之重試歲丁亥始設重試取卞
季良等十大抵儒生登科之後廢業不勤國家爲設重試以勸後進
實是良法不可廢也請行重試以年歉不允○傳旨戶曹前年農事不
實民生可慮今春等各道各官採金採銀並皆停之○議政府據兵曹
呈啓戎器有國之先務內而本曹外而節制使專掌兵務舟船火砲之

備鍊士訓卒之策，織實無遺。然我國長技莫若弓矢，外方侍衛與雜色軍丁平時操弓矢者，十無一二。當其點考之日，轉相借與，以一弓矢點至五六度，徒有點考之名，而無其實。一道弓矢，並皆如是。點考者亦莫論辨，非徒弓矢諸色軍丁有名無實者，亦皆類此。脫有粹變，以如是之軍兵安能禦敵哉！比年以來，民狃大平，不習攻戰，因循之弊至此。誠為闕典。自今各道節制使、令各官侍衛牌預先修整軍裝，當其立番點考之際，考正上送，其不能者罪及守令。兵曹鎮撫所又點其可用與否，明白著標，甲冑槍劍一應軍器堅實修整。軍丁亦令選揀鎮軍，則節制使、船軍則處置使、萬戶雜色軍丁，則各其守令。如上項例，點考依續兵典。每年春秋發遣曹郎廳鎮撫點考，如有不實，監司節制使處置使，啓聞論罪，守令萬戶直行決罰，以勵其餘。則外方軍丁軍器自然精銳。從之。○乙酉議政府啓：正統六年傳旨，凡入居者年滿七十及有七十以上父母祖父母而無他收恤者，勿令入居。今流移人有上項等故者，雖不得入居，請發還元籍從之。○議政府據兵曹呈啓：大小軍士於春秋講武時，不肯侍衛多般托故。今後講武臨近，服制式服，外托故不參侍衛者，依他例下番。後准計立番，其不侍衛日數明白置簿，以待後等講。

武乃令侍衛從之○議政府據戶曹呈啓江原道各官人民農糧以軍
貨義倉及慶尚道漕轉救荒米穀一萬石題給又以鬼麥種二百七十
石分給耕種從之○賜吾都里萬戶童也吾大等十人骨者萬戶劉時
里主等十二人兀良哈指揮李舍土等三人衣帶笠靴縣布加爵有差
○賜祭于領中樞院事崔閔德其文曰經綸黼黻必資明相折衝禦侮
必賴良將古昔致治莫不皆然至若全才罕有人焉惟卿稟資英毅秉
心忠直輔以經史益大見識昔在先朝知無不爲每當侍從力進箴規
逮事寡躬終始一誠出入獨勞爲國之楨東征海寇北伐野虜掃靖疆
圍民賴案堵進長台司用以儀刑移瀕樞府俾養性靈謂將壽考共圖
庶政何知不起遽此一病棟樑之摧干城之毀天不憖遺予痛曷已嗚
呼死生之期固所不免哀榮之舉宜備恤典茲命禮官庸陳一酌靈其
不昧庶幾歆格○丙戌吾都里司直童南羅等三人來獻土物賜衣帶
笠靴綿布加爵有差○丁亥議政府據戶曹呈申去庚申年五月日司
憲府受教節該各官貢案付各司輸納雜物並皆出自民間所當樽節
也在先無式例各司頗多凡百供用之物只聽匠人之言以一時造作之
數稱爲前例因循倣效式例雖或有之以一樣之物而制造之式或多

或少所入之數隨司不同一件造作之費倍於二三件至於本國不產金銀朱紅亦皆過多支用非徒國用不敷抑亦將來難繼勿論式例有無一切改詳定施行癸亥十二月日府受教節該今式例詳定各司內月支月支歲支及無時連續造作物色外經以供用之物勿令試驗 先王先后真前奠物進上饌俱及大小宴享所需雜物與酒米若無贏餘之數則雖或觸犯活穢不無交排之弊並仍前式例敬此除奉常禮賓內資內贍等司所管油蜜果與九千饌物並皆依舊施行其餘各司雜物曹與提調同議分五房以掌之其有前式例雜物則仍以爲據而無式例之物參考前用之數並皆試驗如進獻表筒與袱一件畫成泥金前則四錢六分而今則二錢八分大駕儀仗一件畫成貼金九千三百八十一張而今則三千七百五十八張貼銀一千七百二十四張而今則七百九張闕內大朱簾與各陵丁字閣大朱簾每一件著漆朱紅前則一斤八兩而今則七兩五錢朝會樂建鼓諸緣具一部畫成朱紅一斤九兩六錢六分而今入五兩一分應鼓諸緣具一部朱紅一斤十五兩二錢五分而今入一兩三分 儼禮所用大中小鏡二百二十取色水銀四兩而今則一錢三分所入之數纔十分之二兩贏餘之數則八

九矣其他紗羅綾段異土稀貴之物紬紗苧麻縣布與夫皮革織物全
漆雜彩木竹器皿柴炭等物並皆類此以此參詳貢賦之出實有常數
而皆是民膏不可妄費加斂以爲民病第以素無供用一定之式故諸
工匠之徒每當製造雖一分一升之入逆料本曹除減之數必加倍以
告傳報本曹本曹亦臆量差減上下相欺歲支經費多寡不等甚非國
家節用愛民之意也逐物試驗酌定供用之數而又加一分之餘以備
虧欠之資隨事告府申聞取旨修成案籍凡四十三司每司各成三件一
件本曹一件架閣庫一件各其司藏之以爲永世出納之式且其未試
驗經久之物倘於後日改造則令其司報本曹本曹又令郎廳一員依
上項例試驗形止案續錄從之○戊子木稼○傳旨承政院各道義監
敬差官今既畢來然事未定若遇一事便立一法至爲未便況此事鄭
重不可輕易立法隱漏盜戶推考無遺而後可以立法卿等其與政府
徐議之○己丑司憲府不署朴忠至道稟官署令告身滿五十日召臺官
問之持平朴子晤啓曰人臣不避艱險是其職也大抵有執者或除久任
僥倖苟免無執者得除久任自以爲幸忠至前此授內資判官久任之
職俄遷道官署令不數月又遷戶曹正郎初臣等以謂田制所與式例

詳定所別監若除他官隨請隨改國家重其事而然也以今觀之田制所別監牟恂爲淮陽府使康履知文川郡事田制所請皆改差曰若無此人田制之事無能爲也康履今知白川郡事暫無改差之請式例詳定所別監仁順府少尹鄭孝康都官佐郎金暉皆以本司事緊而兼治詳定之事軍資副正權尚恭爲平壤少尹以箇月未滿二朔還爲軍資副正或請改差或全不請之是無他有勢無勢而已今忠至恃勢厭其以任陰附請托得遂所欲情跡畢露除授之際誣上行私可知矣故不署已滿五十日 上曰請托之事現著則固當推矣若未現著則難以推矣且予以其爲某職而汝等阻當不暑非也若有未便之事何不即時啓之而遷延至五十日乎子晤曰忠至初授某官署令之時即啓改正則今日事必不露矣臣等徐觀其勢耳 上曰好爵則欲爲之薄官則欲避之此常人之情也如此輩予甚惡之若等豈不惡之乎然不即啓之而不署五十日之故汝其退議以啓憲府啓曰忠至本有痕谷每遇除授須越一二度方署告身今以久任出遷他官本府圓議不順且有相考事故遷延至五十日耳忠至禮曹判書金宗瑞姪姪故子晤以爲恃勢○憲府又啓任孝明以加資之事飾詐請托請收職牒追

身推問左承旨黃守身等啓孝明前爲掌令其交代之官尚在且其時率行僕隸在其左右追身推問於義未便且諺曰率從之人嘗曰今雖宰相後日必在吾曹掌握是其驗也請移義禁府推之從之○義塩色啓今各道各一邑暫試煮塩三千四百石和賣得布貨七百匹穀三百石義倉補添之策莫過於此前日不爲煮塩似乎失策今敬差官所刷一邑隱漏塩戶甚多監司守令不用心推刷所致也來秋更刷隱漏塩戶子枝及汾海住居各司奴子與無役人廣置塩盆從之○庚寅禮曹判書金宗瑞啓古有早朝晚朝之制君臣相接之時數矣今自移御以後久廢朝參常參之禮大臣等未蒙接見獲聞天語皆有缺望且視事之時上有所言下有所陳其於時政得失裨益弘多今久停視事君臣之間似爲疎隔請於時御所每月初一十六視事以副臣等之望若上未得視事令臣等請闕得聞 上之安否則臣等之望庶可塞矣上曰予有宿疾常居深宮使宦官傳語予之所言下之所陳豈能盡傳而無遺乎且使世子裁決庶事豈如予親臨哉然勢已至此安能視事予有所言則命召大臣言之臣有所言則必來啓之何待接見而後可乎宗瑞更啓臣職兼都鎮撫連續入直又因本曹事繁無時請闕得

聞 上體安否矣其餘大臣則無由詣闕每遇衙日會於時御所近處而已皆未得親詣闕庭欲因視事獲覩 天顏此非獨臣之意也實是老臣之僉望也 上曰每月初一日政府則舉司六曹則叅判以上各一員來問安毋會近處○判敦寧府事李皎卒皎安義大君和之子洪武戊辰以蔭補官四轉爲護軍國初拜元尹歲壬辰除左軍同知摠制壬子授忠清道都節制使乙卯知中樞院事丁巳爲慶尚道都節制使癸亥判敦寧府事至是卒停朝致賻致奠謚良簡温良好樂良平易不訾簡爲人便佞資產富饒無他才能自少以酒食聲色爲事○議政府據兵曹呈啓每番銃筒衛八百人內三銃筒三百人四箭八箭銃筒各二百五十人分受常時習放入直侍衛時毋得相換出番則每日五十人習杖于訓練院以入直例給到且弓矢雖非銃筒衛所業然其自願射候者鎮撫一人訓練觀官員二三人兵曹郎廳一人率領每當番一次單百步射三矢每一夫給到七以盡其才從之○司憲府啓今後如公宴閱樂等女妓聚會事禮曹移文慣習都監若禮曹於非處擅自定送則當該官吏及女妓並皆論罪雖公宴閱樂聚會時郎聽亦不得憑公招集會飲違者痛理從之○時獻議者欲將各官貢案付物件計其時直

以民所耕多少差等均分置簿以憑科歛領議政黃喜議貢賦均定非是闕典乃六典所載守令盡職則可得自爲不必新立煩碎之法且更改成憲未便右議政河演左叅贊李叔時右叅贊鄭麟趾等議傳曰與其有聚歛之臣寧有盜臣聚歛之臣有害於民生甚矣各司納貢之數本無盈縮也而守令臨時任意分定者是必使民昧於元數莫知端倪而告訢無由之術也且交結商賈代納貢物重歛分利或公然防納或雖知其不可而欲富官家者有之民之愁歎職此之由守令得人則固無是弊矣然三百餘郡縣盡得人乎莫若明立禁防俾守令於元定貢物之數計民所耕差科分授戶給文憑勒成案籍監司又考便否又以所納之期定爲月令曉諭預備明白開具署印以給至期慎勿失信依案而收毋得擅自加歛以恤民隱 上曰將於每道各數郡試驗令田制詳定所磨勘以啓○前中樞院副使南宮啓卒致賻致吊○辛卯以寧邊大都護府爲都護府章判官以都節制使不兼任故也○禮曹啓古之士大夫朝君時必著朝衣本朝遵用此制大朝會著朝服朔日之朝著公服其餘會朝啓及東宮朝參日仍著常服非獨違於古制殊無敬謹之意自今堂上官以上許用段子紗羅依中朝之制製朝衣一件其

或難備者將本國布物黑漆務要藻潔三品以下皆用本國布物依上
項製造常時襲藏待朝竭乃許窄著夏節衣服尊卑通用苧麻布冠帶
亦毋用汙毀之物以尊朝儀下政府議之右議政河演右叅贊鄭麟趾
等議常時衣服不要華麗朝廷冠服所以明等威辨尊卑禮文之大節
朝服公服之制既已行之每月朝會及朝啓賜宴等時服色混同尊卑
無別實爲未便各品曾昔亦依時王之制爲之領議政黃喜議崇儉朴
抑奢靡爲治之先務臣常慮國家似有文勝之弊段子紗羅非本土所
產而曾背尤爲難備且尊卑等威既以金銀角帶而定制矣何必曾背
而後別也說者托以野人亦著曾背而本國反不及焉爲辭然本國素
稱禮義之邦豈與野人爭華麗誇富貴哉但朝服只宜淨潔上從喜
議○議政府據戶曹呈啓慶尚道稻種十九萬五千二百石黃豆種三
萬六千石雜穀種六千一百石全羅道牛料豆二萬石題給從之○議
政府據兵曹呈啓各道牧場各以附近守令萬戶兼差監牧其忠清道
泰安郡禿津串薪串兩牧場左道都萬戶兼之洪州與陽串牧場洪州
判官兼之全羅道幸慶串牧場務安縣監兼之靈光郡珍下山牧場咸
平縣監兼之羅州押海島牧場羅州判官兼之靈巖郡黃原串牧場靈

巖郡事兼之珍島南面女歸山串牧場第一所珍島郡事第二所金甲
島萬戶第三所南挑浦萬戶分掌西面富支山串北面海原串兩牧場
珍島郡事兼之慶尚道巨濟加羅山牧場第一所巨濟縣事第二所知
細浦萬戶第三所玉浦萬戶分掌從之○壬辰以趙末生領中樞院
事金宗瑞議政府右贊成判兼禮曹事李正寧崇德大夫黃裕尹巖奉
憲大夫鄭甲孫禮曹判書權孟孫判漢城揚府事厚工曹參判○癸巳
議政府啓鄉吏文武科出身外須三丁一子乃許雜科及各司吏典入
屬從仕國家欲兩界之阜盛入居鄉吏姑從權典不計丁數並皆免鄉
息莫重焉而鄉吏者僅免鄉役置父母於邊邑托從仕率皆來京非
徒有乖於免鄉補軍之意離鄉未久戀本土之人必將帶妻子而來
永不歸邊徒損鄉吏無益邊備况有武才則甲士取才受職赴防有文
吏之才則道內土官除授仕路實非不通今後入居鄉吏姑停從仕以實
邊郡若安心土著互相婚嫁所生子孫所居官考入居年月許令上京
從仕罷閑之後例還入居之鄉從之○甲子世子受朝參于繼照堂朝
移御所○議政府據兵曹呈啓軍器監權知直長習知火藥之術者
去官後散居其鄉或有緩急徵聚無據令所在官不特點閱毋使沿

邊赴防及遠方來往從之○上謂右替成金宗瑞曰烽火所以應事變也
前日烽火再舉而終無變且或有邊警而烽火不報是則烽火無益於
事不若予行之爲愈也如不可廢則不可如此緩弛宗瑞曰今烽火干每
處只有殘亡一二人且不以烽火爲守令功過故致此陵夷若每處各定
六名分爲三番又擇定監考兼責守令則庶乎可矣命更加商議以啓○
乙未慶尚道觀察使請口食二十萬石命給十萬石○議政府據吏曹
呈啓六曹錄事中樞院六房錄事承發祿事等早暮奔走勤苦有加乞
依宣差房知印例差年十年以上除啓功郎滿三十朔者越一二年別例
去官從之○丙寅傳旨禮曹親子親兄弟內大君卍隸四諸君三令著紫
紬頭巾紅木懸纒帶兵曹判書安崇善啓昔孔子猶惜繁纒紫紬冠
闕內別監所著恐無上下之分不兄○節日使同知中樞院事朴堧初裁
會同館忘符驗館夫得之堧使通事金自安馳入覓來及復命堧欲匿之
書狀官金重良以啓 上謂政府曰今此符驗朝廷所頒降關係匪輕
萬一遺失則非唯責在使臣有累國家亦大矣遂奪堧告身從事官罪
之有差○丁酉移御衍禧宮○議政府啓三醫司兼官以文官爲之欲
其教訓醫生也然兼任者率皆六曹郎官事務煩劇未暇兼治濟生院

憲民局俱有提舉別坐典醫監亦有文臣教官請揀擢差任俾掌其事
提調以時考察其燕官並皆革除從之○戊戌司憲府請朝官出使者
勿私娼妓下政府議之右議政河演議曰昔以平安道監司尹坤之言
立此法行之數年乃以妓古者爲軍士之無妻者而設寢之然營鎮軍
士率妓赴防者無幾而大小使臣及守令恣行濫欲作弊多端因而汚
染風俗者有之有累 聖明之治請依憲府所啓以正風俗竟不行○
議政府啓外方守令聞父母有病即報監司輒行監司給暇移關該曹
若兩界咸興寧邊以北道路遐遠非旬日往來之處監司依舊給驛騎
以送從之○是月咸吉道都事金得禮以本道軍一千七十名築鍾城
府甬巖等處行城自本月十一日起役至二月初十日而畢石築三百
七十尺削土二千五百三十七尺以里計者一百二十二步五尺○二
月庚子司憲府啓近聞孝寧大君爲子擇婦擅致崔允庸趙瑞康之女
于家以觀妍蚩僭越無禮且處女冶容就試其於婚姻正始之道何如
大君則難以推劾請劾崔趙兩家 上曰大君此舉甚違於禮然劾兩
家不過辭以大君耳如是將何以處不允○辛丑日暈○世子還京城
○知中樞院事李中至卒中至固城人勲之子乙酉中武科庚寅擢重

試累遷僉總制歷兵曹參判知中樞院事卒輟朝吊祭致賻謚平靖治
而無青平寬樂令終靖中至無他才能以首陽大君爲侍養致位省宰
爲人美風儀喜容飾自少好酒色常畜娼妓荒淫無節待正妻如仇讎
晨夕之供莫不計給至或失時晚年病風手足不仁猶沉酣酒色時議
鄙之○義鹽色啓謹按禹貢以青州爲貢鹽周官設鹽官雖有官而未
始不在民也至管仲以魚鹽富國厥後秦之鹽利倍於古自漢而下或
海租或魚池且宋慶曆年間朝議欲弛茶鹽之法范仲淹曰國家用度
常患不敷如減用度則除茶鹽之法可矣如不能減損則必取於農孰
若取於遊手乎朝議遂寢今中國亦行鹽法著在律令因江海之利以
裕國用以利民生自古而然其軍旅之需賓客之供救荒之備凡國家
大計實關於此鹽之爲利廣矣秦漢以來其法必禁榷私鹽而官獨取
其利商稅有定額而增益收之怨咨興焉鹽之爲害亦甚矣是故論之
者有云因其見存之額而無所增加擇夫愛民輕利之人而爲之官而
已他何容議以此觀之鹽法之利害只在一時設施之得失耳豈有慮其
害而併棄其利也今之鹽法異於是非欲禁榷而取民私也非奪民所
占之處也亦非增益其常稅也只於宜鹽空地設置官益優價易穀以

補義倉或施之以賑恤非如禁推取利之類鹽利之在民固猶舊也然
國家殷富義倉盈溢則奚待鹽利第因水旱相仍年年失農國無一年
之蓄救荒之策將何以施之肆於前冬試驗便否之時只審一邑其隱
漏鹽盆數多率皆官吏弄法之致然也諸道隱漏之數推此可知明
正推刷其數豈當百千依法收貢義倉補添之術孰有加於此哉若加現
收貢之數准補義倉則官鹽區設置與否斟酌施行可也今遣別監雖
一二次徃復推刷然不得終歲考察故欺隱之弊庶難禁遏監司一方
統察生民之命係焉利民之責不可不深慮與色官負同議布置而後
連續考察以為恒法若似前陵夷考察因他條現露者非但罪其官吏
並責監司魚水梁亦如上項從之○壬寅日暈○議政府據戶曹呈啓
請給平安道牛料豆一萬石全羅道口食五萬石忠清道七萬六千四
百石從之○癸卯黃海道觀察使請加給救荒米穀命給軍資監二萬
五千石○甲辰議政府據禮曹呈啓自古帝王功成制樂代各有名謹
按歷代唐堯則大咸大章虞舜則大韶商湯則大濩周武則大武降及
近代宋曰大晟金曰太和元曰大成咸有厥名我朝獨無樂名有違於
古乞定樂名曰鈞和從之大鈞天也教化萬民如大鈞之播物大樂與

天地同和取此義以為名○議政府據禮曹呈啓宗親駙馬儀物丘史引卒各有定數而相尚簡約率丘史二三名只令鞍籠把持人前導瞻視不嚴非徒行路無知之人至於朝士犯馬過行者比比有之今文武官道遇王子相接之禮悉備詳定路次儀物引卒尤當備具庶無前日行路犯馬之弊自今儀物引卒不依數賚率宗親則宗簿寺駙馬則司憲府彈糾從之○乙巳遣知印于京畿及黃海道審察飢民○司憲府上疏曰君臣之分天地之常經固不可紊婚姻之禮人道之大端亦不可亂也是故備六禮所以重人倫之始嚴名分所以杜僭擬之漸也苟為人臣而犯分越禮則國有常典罪不可逃今孝寧大君補以王室懿親爰自妙齡頗涉經史其於君臣之分婚姻之禮講之熟矣豈不知名分之不可紊婚禮之不可亂也良由崇居富貴侈心一萌不能自制勒邀前副司直崔允庸之女致之私第親閱妍蚩為子擇配自以不滿其意更致卒叅判趙瑞康之女又自遴選敢行官禁之禮僭端已著我 殿下君臨一國臣妾億兆故親選處女以配聖子所以重婚禮衍宗支非人臣所得而僭擬也大抵婦人雖已從人送迎不出門見兄弟不踰闕況處女深居閨壺親姻且稀得見豈可自售於人以求其匹乎古人有一

與之姻則男子雖或未娶而歿女子終身不醮趙既中選猶可說也如
崔者豈不爲終身累乎又况趙方居父喪哀毀深至釋衰服被羅綺治
容就選豈其心哉奪情起復苟非將相大臣關係至重者人君尚不忍
爲補雖貴臣子也安可擅脫衰服之女欲自試閱僭擬君上乎其爲犯
分越禮固已甚矣若捨此不問權豪貴勢繼踵效尤他日之弊將不可
勝言矣伏望 殿下命下宗簿寺究問其由以杜僭擬之漸且其女家
既非草野編氓之比俱是簪纓世家之裔宿承家訓非不知女子之不
可輕易售人但欲驟貴其女不顧禮義使其室女醜面就試其鮮廉寡
恥亦已甚矣特命臣等窮治其罪以勵風俗不報○丙午議政府據戶
曹呈申前此義塩五斗准米一斗和賣今市價塩二斗直米一斗初以
義塩屬軍資者欲補義倉以賑窮民也况塩戶艱苦燔煮而過歇買賣
未便乞自今每朔准市價例加塩一斗和賣從之領議政黃喜曰前朝
設義塩倉置權務判官屬於版圖每春秋先自鰥寡孤獨納麤布一匹
受塩二十斗謂之頒塩本朝因而行之逮罷義塩倉移屬司宰監自一
品至權務平民鰥寡孤獨或納布或納楮貨銅錢之受塩十五斗後只給
鰥寡孤獨不給各品又變而屬於軍塩監納米一斗受塩五斗此義塩

公華之本末而義益之遺意則尚存今欲准市價而爲之是義益變爲
利益也臣竊聞義者利之和也而自無不利乞仍已定之法以存義益
之遺意不允○丁未傳旨禮曹京畿外諸道每月所進生肉限八月勿
進○戊申世子還京城○遣守判司宰監事牟恂于黃海道賑救飢民
恂性本愚戇不快吏治布置庸疏不能賑恤乃啓曰麩麥青青將受厥
明士林譏之是年本道飢甚死者甚衆○倭人藤九郎野人童伊麟啓
來朝賜衣服笠靴○賜祭于左議政申槩其文曰惟卿稟性溫雅行已
端方才優經濟學富文章早捷巍科英名日彰歷仕華秩施無不臧觀
風諸道人歌棠爰提綱烏府時慕霜節久典銓曹藻鑑洞徹擢入巖廊
允矣良弼爰立作相倚爲阿衡年踰七袞處決惟明仍賜几杖庶保順
期云胡不勳遽至於斯追惟舊德良用傷悲茲遣禮官任陳菲薄不亡
者存歆此一爵○己酉世子朝衍禧宮○司諫院啓今年咸吉道外七
道皆失農監司守令雖或救荒慮有未盡請分遣行臺督察下政府議
之僉曰監司守令可能救荒不必遣之○左承旨黃守身啓全羅道流
移人及欺隱稅糧書貧色吏等八百餘戶已發遣于咸吉道五鎮金宗
瑞嘗言五鎮入居已多土地狹隘已發遣者不可追還自今不可更遣

召禮曹判書鄭甲孫問之以曾爲咸吉道監司也甲孫對亦如之即下
諭書于咸吉道其入居者龍城鏡城以南量宜分置勿入五鎮○庚戌
都承旨柳義孫上書曰臣性本庸愚學亦孤陋行已處事俱未得宜動
無裨益所失則多如臣者不宜一朝居此職也頃加以疾病累旬在告
猶未痊平心神昏耗氣力衰憊將欲勉強仕進則病根未斷因勞復發
又欲休暇調攝則職任至重一日難曠進退窮處若無所容日臣父年
今七十七臣母年今七十有五而母有宿患常在床褥喜懼之情交激
于中寤寐兢惶固知所措伏望 睿鑑照憐命罷臣職俾小臣專精神
謹醫藥得保微喘以盡臣子之職以全忠孝之道不允○司諫院上疏
曰臣等近將孝寧大君 犯分圖婚事由請叢上聞未蒙俞允退而思
之義不自己臣等竊謂三綱天下之大閑不可踰越也念我國朝嘗其
聘嫁之際良家處女命詣宮闈精加選擇是誠宮禁之禮非人臣所得
而僭擬也今補雖貴爲大君然其君臣之分則不啻若天地之不侔爲
子求婚擅召前副司直崔允庸之女視其妍蚩却以未滿而辭之更勤
喪家卒參判趙瑞康之女釋服從吉招致私第自行揀擇以大君而言
之不願君臣之分敢行宮禁之禮僭擬之罪著矣以崔趙兩家而言之

男女非有行媒不相知名非受弊不交不親禮也而貪冒榮貴承順大君之一招略不可否欣然命送婚姻之禮毀而男女之別紊矣而况瑞康之妻身在夫喪未及服闋使其年少無知之女冶容就試有失喪夫之哀爲婦爲子之綱益毀此而不懲他日接踵効尤之弊恐不可勝伏望大君則命宗簿辨明是非瑞康允庸之家則仍下攸司究問并置於法以正人倫以正風俗不報○議政府據兵曹呈啓有服之親從敦寧府所薦授軍職然窠闕有限除授爲難請自五品至九品給逆兒十五以爲數從之○京畿監司請加給救荒米六萬石命給一萬石○議政府啓今據咸吉道監司啓本節該宣德八年受教平安道義州朔州江界間延碧潼昌城理山麟山定寧咸吉道慶源鏡城甲山寺社一皆毀撤居僧移置南道藉其鄉貫年甲不得橫行若潛往彼土則其所經過知情故縱者知而不首並依律論罪有能捕告者論賞今新設會寧鍾城穩城慶興富居等地亦將此法申明舉行從之○辛亥世子還京城○司憲府請劾宗簿寺不能糾孝寧大君親擇處女之罪不允○壬子日暈○癸丑世子朝衍禧宮○議政府據兵曹呈啓內禁衛近侍精兵待遇異常近來與他軍士無別故人求願屬雖已屬者皆求屬別侍衛

甚爲未便其勸勵之方今更參定一元額本六十今加四十定爲百人
必先取富實衣冠子弟以六兩鐵箭能射及八十步者依已定格例更
令試之迺兒大護軍一護軍二司直五副司直六司正十六副司正司
勇各三十五加設中軍副司正十左右軍副司正各九一入直每一日
給到三行幸侍衛日加給二出番人侍衛則亦給二經宿行幸則給六
察外到滿四百五十察上滿九百則加資至通訓而止一春秋鍊才步
射六夫每一中給畫二騎射十五矢每一中給畫一不能制馬左執弓
而右射的右執弓而左射的者放鞭者執轡者弓不滿者馬鈍者手鈍
者皆不給畫若不發箭准減所中之畫騎槍一巡每一中給畫一失
勢者放鞭者執轡者馬鈍者手鈍者皆不給畫擊毬一巡馬手俱快備勢
擊出毬門者給畫五馬手快橫過毬門者給畫三馬不疾者不給
畫以是計畫六畫以下黜七畫削到二十八畫削到一十九畫無削無
罰十畫給別到一十一畫二十十二畫三十以此而上每一畫加十
鍊才時因公事未試外托故不爲者罷黜若衆所共知疾病者則姑罷
職待差一觀射時等第明白置簿或賜物或給到一三年一次分賜兒馬
一外叙人迺任後待闕還差從之○甲寅江原道觀察使啓去正月江

陵府城東門外民家火延燒大昌驛民戶一百 上即遣知印往審之
仍下諭書曰江陵府失火各戶人民衣服口糧以至種子慮恐盡燒其
衣服以營中神稅布口糧種子以義倉米穀酌量題給所在守令常加
考察不至失所如有焦爛者使醫救療○日本肥前州及一歧州遣
人來獻土宜○議政府據戶曹呈申忠清道各官稻種以其道軍資義
倉八萬石題給從之○右議政河演右贊成金宗瑞右叅贊鄭麟趾問安
于時御所 上謂曰今平安道農事不實流移人入居此道者二百五十
戶若未上道猶可及止乎宗瑞麟趾曰今年飢饉太甚新徙糧餉深可
慮也請待秋入送演曰今若不送當何時可乎 上從演議麟趾又啓
曰如不得已平安道凶荒尤甚乞二百五十戶內本自平安道流移六
戶外其餘皆遣咸吉道 上曰二百五十戶不可盡遣咸吉道即遣知
印任山海謂曰若道遇入居人則以一百五十戶便道移遣咸吉道其
間年老人在徙中者皆遣還于家宗瑞麟趾又啓曰黃海道前年凶歉
今又發築城軍四千餘名飢困可憐願先他道經罷 上曰其減十日
之役各還其鄉令縣次續食使無饑餓○乙卯賜祭于判敦寧府事李
皎其文曰惟卿性度閑雅風姿端潔冰連屬籍志存忠懇事我 昭

考優荷眷注逮于寡躬彌隆待遇出典方面入登樞府功名終始庶亨
遐福豈意微痾遽爾不淑伯叔之行存者幾何言念及此傷懷良多茲
遣禮官俾陳一酌英靈不昧庶幾歆格○丁巳世子還京城○戊午命
世子觀射于慕華館○臺諫交章曰臣等各將孝寧大君補犯分越禮
事由請論如法未蒙俞允反覆思之義不自己臣等竊謂人之大倫有
五而三綱爲重苟或廢一人道亂矣今補望重屬尊爲宗室儀表固當
動遵禮法以保榮貴願乃自恃貴近敢此不法其失有三夫名分聖人
所謹爲子擇配僭擬宮禁之禮敢干君臣之分一也婚姻人道之始非
受幣不交不親禮也擅致室女以亂男女之別二也喪制人道之終勒
脫衰經之女冒凶加吉以負父子之恩三也一舉而三失禮焉有累名
教罪不可賞臣等彈章迭上竟莫回天之意深有憾焉伏望宮庭之間
恩雖掩義君臣之際義勝於恩 殿下豈可以一時私恩廢天下公義
乎今若寬貸浸淫不悛馴致驕縱悔將何及權豪勢要且將曰大君雖
貴人臣敢爲此舉有司不得請 上亦不之罪接踵効尤僭分越禮殆
不可勝言而人亦以室女自售權貴恬不爲愧婚禮之壞實濫觴於今
日誠非細故伏望 殿下廓回剛斷依臣等前日之疏特命宗簿以治

其罪其子願禮義阿承就試崔趙兩家亦令痛繩以法以正人倫以勵風俗持平朴子晤獻納元乃仁將此疏以進上覽之大怒留中不下使首陽大君瑒傳旨曰中國雖以我國爲禮義之鄉然人心卑陋至矣君王兄弟有犯必欲致罪不少假貸若王子則不敢加問予甚非之自古帝王於兄弟之間雖有叛逆必曲加掩覆不以加罪今孝寧之事非爲故犯乃是過誤臺諫累日交請或以爲僭分或以爲勢逼必欲罪之在予友愛終必不聽雖孔孟必不以予爲非爾等強請何人心之陋至於此極耶仍謂承政院曰臺諫若以此事來請毋敢以聞子晤曰大君勢逼位尊一有僭越其漸可畏今若不懲悔不可追且古人云有懷必達陳善閉邪在臣職當然願更上聞首陽曰已有上旨不可以聞即起入內乃仁不措一言俛首刮地而已○已未世子朝衍禧宮○議政府據兵曹呈啓近仗入屬三十年以上年滿六十歲者授散官職去官年雖未老毛髮班白者不宜陪輦請於防牌攝六十隨即移差從之○議政府據刑曹呈啓今後如鄉吏驛子公私賤口有役人犯徒罪者依律文工樂戶及婦人例決杖後除罪收贖從之○議政府據戶曹呈申黃海道人民口糧雜穀三萬石醬一千石江原道各官種食雜穀六萬六千

六百五十八石並以軍資義倉所儲題給從之○庚申礪山府院君宋居臣等上書請忠義衛各品適兒依內禁別侍衛甲士去官例量宜加設不報○辛酉議政府據戶曹呈申平安道各官稻種三萬九千二百八十五石雜穀種二萬四千六百石全羅道稻種十三萬四千七百二十八石忠清道雜穀種一千二百石以其道軍資義倉題給從之○初義鹽敬差官悉收民間所煮鹽盆又刷鹽戶子枝官自煮鬻甚者禁民私賣官擅其利以取媚於上於是民間鹽貴義鹽提調權孟孫等以爲煮鹽之際必有民弊請講求無弊之術上令政府議之有言其急於救荒不可已也有言弊及於民不可行也上即命停之仍下傳旨曰各道義鹽今以失農停罷其當領船軍煮鹽亦停之戶曹判書鄭奉遣佐郎安知歸申各道倉庫虛竭救荒之計莫急鹽利今皆停罷甚爲不可上於是即收傳旨復令船軍燔煮如舊○甲子以年饑停春等代行講武○議政府據戶曹呈申黃海道各官穀種稻五萬五千九百石黃豆四萬八千八百石雜穀二萬二千六百石題給從之○議政府啓近年以來水旱相仍連歲失農各道人民專仰國庫而所貸米穀又未充納因此國庫虛竭推移賑恤尚且不贍今年農事如又不實非徒民間賑

貸無遺國家用度亦甚可慮所係至重水旱之災非人力所及其堤堰
防禦耕耘播種燥濕得宜早晚不失專在勸課勤怠不奪民力而已乞
令守令叅考曾降農事直說及農事教書敦加勸課日日考察且令雜
訟停寢事務稀少衙前人吏執事人外並皆就農且勿役農民務要簡
靜專事農業至如事神飯佛無益之費一皆禁斷賑濟監考不得擅率
農民不得受餉民戶監司於巡行時親自擲簡或首領官或檢律教諭
分遣考察十分用力不違其時以盡地利從之○乙丑世子還京城○
對馬州宗貞盛遣人請米豆藥材命賜米豆各一百石人參五味子大
黃黃耆黃芩杏仁蓮子天麻等藥材○賜祭于知中樞院事李中至其
文曰惟卿儀表魁梧器宇磊落長於武藝且有學識祗事 昭考特承
恩渥予益眷注驟加陞擢累任邊閫四朝上國隨所歷揚曰有 肇績方
期倚任遽請養疾晉接雖違眷注深切謂將復起奄爾不淑追念舊德
茲深傷盡爰遣禮官俾陳一酌卿其不昧庶歲歆格○丙寅議政府據
戶曹呈申京畿各官早穀種一萬三千五百石平安道人民口糧雜穀
四萬二千石咸吉道鬼麥種一百三十八石牛料豆三千石題給從之
○丁卯世子朝行禧官○是月議政府啓六典節該義倉之設本爲賑

恤窮乏京外還上米豆鰥寡孤獨及貧乏平民爲先分給大小兩班內
或遭喪葬之事或罹水火之災及一里共知貧之人大中小戶分揀分給
是則義倉之設專爲賑窮賙之也近年以來各官守令不審上項成法
不覈民之貧富每當還上分給時一依勸農正長都目狀之數計口支
給故雖富者亦以爲還上非長利出息之比其家穀食或埋或移擲簡
之時使若絕食者然冒受還上甚者至爲販鬻之資又有爲酒食以共
鄉徒及淫祀之費富者橫費其穀貧者無穀可支則又移他道之粟以
繼之去乙丑年京畿人民二萬五千餘戶分給義倉穀六十三萬七千
餘石慶尚道四萬二千餘戶分給三十七萬二千餘石全羅道二萬九
千餘戶分給四十三萬四千餘石忠清道二萬五千餘戶分給八十萬
一千餘石黃海道二萬五千餘戶分給二十一萬餘石江原道一萬三
千餘戶分給十一萬五千餘石咸吉道一萬四千餘戶分給四萬四千
餘石平安道四萬四千餘戶分給十二萬五千餘石摠計二十一萬七
千餘戶分給之數二百七十三萬八千餘石餘在米穀無慮五百九十
一萬二千餘石今丙寅年各道分給米穀多至一百十五萬三百餘石
而請發義倉者相繼不絕將來可慮今後各官守令將境內民戶貧富

田地多少宿積有無備細覈實分爲三等明白置簿其無田地無財產
貧乏人別爲置簿豐年則雖貧乏者或傭身或丐乞可以資生中年則
貧乏人爲先考其下等各戶人口實田之數義倉米豆樽節分給至於
儉年貧乏人則賑濟中下戶則給還上其中或因災傷或因疾病水火
盜賊等事衆所共知飢困之人守令親審覈實不計其戶等第年分豐
歛並皆量宜分給每月季貧乏人幾口還上分給米豆幾石賑濟分給
幾石某等人幾口分給幾石具報監司監司啟聞以爲恒式從之○築
平安道行城自碧潼大波兒主路南峯至松林口子石築三萬七千三
百七十九尺削土八千七十尺役本道民一萬五千四百七十名黃海
道民二千名又自定寧玉岡洞口古長城甚至東毛老石築二千尺役
本邑民三百名又增築義州邑城東面三千五百尺役本邑民一千名九
二十八里九十一步三尺皆以本月初十日起役至三月初十日而止
○三月戊辰朔議政府據兵曹呈啓本曹事務繁劇今後下番軍士改
取才令訓鍊觀專掌本曹堂上郎廳各一都鎮撫一同試之從之○以
年飢禁酒○庚午以安質知司諫院事朴允昌守右獻納○辛未世子
還京城○議政府啟流移人以年老除兩界入居還本土者道路往還

時救恤及安接條件已曾受教行移令監司守令檢舉施行竊念下三道及江原黃海京畿等道地狹田少絕無曠土今方農月不得及耕必至失所還給在先所耕之田又給其無主田各官數外屯田亦詐陳告均給務要安集以復其業從之○壬申日暈兩珥○癸酉世子代行別祭于健元陵○司僕寺啓濟州元放馬三千八百一十四匹大靜二千九十四匹旌義三千八百八十四匹而孳產惟一千一百六十四匹損失至一千九百九十四匹是無他不用心牧養所致也其群頭群副及監牧官令攸司劾問科罪從之○甲戌江原道觀察使啓流移人物推刷爲難請復行戶牌不允○孝寧大君買其第傍近民家憲府方推之召持平柳瞻曰何所據而爲之抑何不啓於我歟瞻曰臣等常經過蓮池洞有民家十餘戶徙居空曠臣等移文本部問其故部報云孝寧大君所買臣等召問家主皆云大君使人謂曰予欲作室于此汝其賣之因輸木石不得已賣之或依父母親戚家或從他處結幕以居臣等以此知其非情願也上曰買人家作室士夫且爲之况大君乎瞻曰大君抑買民家使飢凍之人遷徙無歸甚爲不可請令宗簿寺推覈上曰賣家之人如有所寃必各告狀其勿推之時諸大君第宅踰制撤漢城府起平原大君第窮極壯麗又撤安國坊民家將起永膺

大君第營繕之費不可勝紀○黃海平安江原京畿饑甚京城縣布一匹直米三十○乙亥世子還京城○議政府據吏曹呈啓今以成均司成金鈞上書而參考之集賢殿祿官二十既分任經筵書筵而又兼宗學則其數不足宗學博士八人並以已曾加設成均司成一司藝二直講二注簿三充差而四部學堂教授官或以軍職兼差亦爲未便前此四部學堂教授官軍職通兒十宗學博士軍職通兒六並十六皆革除以上項通兒祿俸加設成均直講二注簿四博士一進德博士一學正一學錄一並前加設直講一及參外訓導四摠十六人於四部各置教授官二人訓導二人藝文館參外八人承文院參外八人及兼奉常一人並九人校書館參外八人及兼奉常一人並九人今冬來夏各一人去官而成均館則兼奉常二人並十六人今冬來夏各一人去官遲速各異今加設參外四人而其去官仍舊則不無淹滯之嘆今冬來夏各二人去官首博士則京官次博士則守令從之○丙子移御首陽大君第○丁丑世子代行別祭于獻陵○中宮不豫○命除江陵府失火人乙丑年田稅○議政府據戶曹呈申忠清道稻種十萬石豆種七萬二百五十石口糧五萬石全羅道牛料豆八萬慶尚道口糧十萬石題給從之○己卯傳旨承政院中宮未寧東宮與諸

子欲禱于山川神佛予亦以爲然且欲頒赦何如都承旨柳義孫等曰
精勤水陸與祈禱往往現有獲應且近年雨暘愆期連年失農人心恐
有冤抑赦亦可上曰祈禱當速行之赦宥之事予更思之即日分遣
中使禱于山川神祠佛宇○庚辰宥境內王若曰予以菲德主乎群
生雖知夙夜以祗勤寧免刑政之僭忒宥有冤枉以致感傷天災相仍家
患亦繼今又中閩乃嬰疾疹之作莫效治療之方是雖節宣之偶乖亦
實厄會之交至宜霽非常之澤庶弭無妄之虞自今月十三日昧爽以
前除謀叛大逆謀叛子孫謀殺祖父母父母妻妾謀殺夫奴婢謀殺主
蠱毒魘魅謀故殺人但九強盜外已發覺未發覺已結正未結正咸宥
除之嗚呼鷄赦載須用導延於和氣鴻休茂迓益延弘於遐圖○是夜
會僧四十九于時御所西廳設精勤祈禱吹螺擊鼓鍾磬之聲振動街
里翼日申時乃罷賜僧絹布有差○辛巳遣右議政河演于宗廟右贊
成金宗瑞于社稷又分遣侍臣于名山大川神祠佛宇祈禱○壬午以
中宮病劇復褻僧八十于時御所精勤徹夜世子燃臂諸大君及內豎
爭相燃臂賜僧一雲紅段一匹黃絹三匹細紬一匹白絲布三匹餘各
有差○癸未日暈○月食既○乙酉命放徒流付處充軍定役一百八

十餘人○丙戌命還給犯罪人職牒○庚寅再禱于廟社山川神佛世子自中宮病劇勺飲不進終夜不寢○辛卯王妃薨于首陽大君第宗親駙馬文武百官俱以素服入臨仍奉慰自此至成服每朝夕哭臨其儀成服前每日朝夕宗親及文武百官俱以素服為紗帽黑角帶入就位外庭拜位典儀曰跪通贊唱跪宗親及百官皆跪通贊唱俯伏哭宗親及百官俯伏哭十五舉聲通贊唱哭止興平身宗親及百官哭止興平身通贊唱鞠躬再拜興平身宗親及百官鞠躬再拜興平身奉禮郎引宗親及百官移班近東班首進名奉慰訖次奉慰王世子如上儀訖奉禮郎分引以出○是日坤時襲設帷及牀遷屍掘坎乃沐浴襲徒尸牀置殿中間設屏帷及冰盤乃設奠為位而哭乃飯舍卒襲覆以衾置靈座設魂魄立銘旋用紅絹九尺金書篆曰大行王妃梓宮禮二日而襲時熟故薨日乃襲大小斂殯皆先一日○上移御于判禮賓寺事申自謹家及夕又移居于孝寧大君第○傳旨承政院山陵制度宜當同墳異室昔母后三月而葬今則五月而葬其知之又曰令群臣為中宮欲服衰十三日而除又以白衣烏角帶終期年予以為未然予則或服衰十三日或素帶三十日而即吉群臣則服期以為未便服衰十三日後以白

衣三十日而除何如且予服除群臣冒凶當此之時儻有中國使臣來見則無奈以君吉臣凶譏之歟以此議諸大臣僉曰中國謂我為禮義之邦者重在喪制也雖中國使臣來見群臣為國母服期之喪何敢譏笑哉左承旨黃守身等亦請以白衣終期手 上曰卿等與政府之言若是予心以為未安其使河緯地考諸太宗皇帝為皇后服期故事與古喪制以啓○置殯廳都監以右叅贊鄭麟趾僉知中樞院事卞孝文鄭陟為提調○朝夕哀奠及食時上食儀朝奠 王世子服其服成服前素服大君以下同詣殯殿戶外之東西向坐俯伏哭大君諸君在其後重行西向南上俯伏哭尚寢設盥櫛之具于靈牀側尚宮奉魂魄函出就靈座尚食設奠上香酌酒奠于靈座前王世子及大君以下哭盡哀朝奠將至撤奠朝奠時上食如平時不用肉膳行禮如朝奠儀○議政府啓嘗申稟東宮之事並皆啓聞施行從之○禮曹啓奉使出外諸臣及守令聞計日於公廳設香案以素服著衰服入就位四拜哭盡哀母得輒離任所赴京應陳慰使臣及守令許遣人奉箋陳慰又於東宮奉狀申慰沿邊守禦官不用陳慰從之○上命王世子及大君諸君自初日至二日飲淡粥自三日至四日食粥第五日始食飯○禮曹啓卒哭前 永寧殿春

秋大享宗廟文昭殿健元陵齊陵獻陵四時大享並皆停之只行朔望
 及俗節祭不用樂顯德嬪魂宮仲朔祭及俗節祭墓所俗節祭亦停之社
 稷大祭及他祭用樂處陳而不作祈雨祭則依前為之卒哭後內外祭
 皆用樂期年前京外斷音樂隣國客人饋餉亦不用樂卒哭前禁婚
 嫁禁屠殺隣國客人館待及饋餉四月以前用素饌五月始用乾肉及
 魚物徒流以下罪十三日後處決大辟卒哭後斷決巷市五日從之○
 壬辰小歛內侍陳小歛牀於西階之西施地衣褥席先布絞之橫者三於
 下以備周身相結次布縮者一於其上以備掩首及足絞用白細苧布斝其
 兩端次布衾衾用複以布衣或顯或倒但取方正唯上衣不倒捲十九稱
 舉之昇自西階內人傳舉置于尸南乃遷夕奠內人盥手共舉尸遷于小
 歛牀先去枕而舒其疊衣以藉其首仍捲兩端以補兩肩空處又捲衣挾
 其兩脛取其方正然後以餘衣掩尸左衽不紐裹之以衾而未結以絞未掩
 其面別覆以衾王世子西向憑尸哭擗大君以下在王世子之後西向哭擗
 公主以下東向亦如之王世子退于別室以麻括髮大君以下亦退括髮公主
 以下鑿于別室內侍還遷尸牀于殿中設冰盤于牀下乃設奠飯司進饌
尚食帥其

傳奉奠于靈座前設香爐者合並燭又設尊於尸左之左置盞三於
尊所王進于入說位俯伏哭盡哀大君諸君及公主以下俱入就位

哭盡哀尚食詣香案前上
香又酌酒三盞連奠于案
○置國葬山陵兩都監以領議政黃喜右

議政河演爲國葬都提調右贊成金宗瑞中樞院事李戴爲提調以河
演爲山陵都提調李戴及知中樞院事李思儉大司憲姜碩德爲提調
以刑曹判書南智爲守陵官宦官崔得龍爲侍陵官○禮曹請王妃魂
宮 上曰昌德宮之議政府與平原大君第皆可矣然議政府營造
年久勢又低微且予雖不復居此宮不可以宮闕爲魂宮平原第當初
造成時以政府所定尺度而作之人有言過於壯麗雖立平原後爲之
後者亦未能特守今欲以爲魂宮但義禁府逼近允訊囚時聲必相聞
必欲以此第爲之則移義禁府於他所否則可於他處營之其與議政府
同議以啓○癸巳集賢殿副校理河緯地稽古喪制以啓 上曰高麗
之時君薨群臣服喪三日不足取法逮至我朝遂改其制乃服朞喪其
禮厚矣且今以中朝之制觀之父母之喪皆斬衰三年我國之人亦爲
母服喪三年曩因母后之薨國家倣古制及文公家禮俾予服期父在
爲母服期自予而始厥後臣庶因之然此禮予心未安今當儀禮詳定
之時欲改其制而未也及至今日子欲東宮與大君諸君服喪三年因
以改正喪紀以爲成憲如何承旨黃守身等曰 上教允當然成服日

逼難以猝定姑因舊制後日更議爲便且此大事不可輕以臣等所見
議定請議諸大臣即召領議政黃喜右議政河演右贊成人玄宗瑞禮曹
判書鄭甲孫參判尹炯議之喜等曰三年之喪天下之通喪自天子至
於庶人一也孔孟有訓垂法萬世爲母服三年之喪甚合情禮 上曰
東宮與大君諸君衰服卒哭而除以白衣終三年群臣衰服亦卒哭而
除以白衣終期年予則素帶三十日而除○集賢殿直提學金汶等上
書曰漢文崩已下棺服大功十五日小功十四日織七日胡氏論曰孝
文溺於小仁短喪廢禮信有罪矣三年之喪所以盡生者之孝心又非
父之所得令者也遺詔所諭者謂吏民耳太子嗣君豈吏民歟而景帝冒
用此文乃自斷三年之喪薄于君親其罪益大矣周主邕詔二三年之
喪達於天子但軍國務重須自聽朝衰麻之節古廬之禮率遵茲典以
申罔極百僚宜依遺令既葬而除卒申三年之制五服之內亦令依禮
胡氏論曰自漢文短喪之後能斷然行三年者惟晉武帝魏孝文周高
祖可謂難得矣然春秋之義責備賢者周高祖卒三年之制最爲賢行
然推明通喪止於五服之內不及群臣非所以教天下著君臣之義也
由高祖不學左右無稽古之臣以輔成之也且永樂五年七月大明

皇后崩十二月二十日 太宗皇帝以白衣角帶受朝舉朝素衣乘素輦入內又本朝世子詣文華殿中官傳令旨曰今在衰經不能見漢府殿下自外入內其衰經之制同文公家禮六年正月初一日 帝以素服受朝賀乘素輦入內又世子祭皇后殯殿服斬衰者數十人立其後臣等竊謂父母之喪自天子達于庶人無貴賤一也天經地義不容私意有所短長自漢文短喪歷代因之帝王遂無三年之喪三綱不明千有餘年間有賢主或以天性矯而行之群臣諂諛習常玩古不能將順其美甚可惜也我朝喪禮不用易月之制下至庶人皆能行之中國每稱禮義之邦靡不以此况今九所制作動遵古昔一新舊習以爲子孫萬世之法又况喪制人道之大節尤不可仍循苟且不遵聖人之制伏望特垂睿斷上自東宮下至百寮皆令以衰服終期年申心喪三年以正喪紀以敦風化萬世幸甚○以王妃薨告宗廟永寧殿社稷○禮曹啓王妃卒哭前九祭令百官參之從之○日本因番守井大郎來朝授護軍○上謂承政院曰孟子言墨子以薄爲道而葬其親厚大抵臣子之道宜以直事上不可容其詐然世人在家奉佛事神靡所不至及對人反以神佛爲非予甚惡之皆侍 太宗宴卞季良亦與馮太宗曰

卿何不食肉季良色變終不告情太宗曰已知卿欲祭羅漢也因勸肉
季良好佛人皆知之猶諱不以聞者恐人譏也夫程朱天下大賢闢異端
甚力當今或有真知其非拒之如程朱者或據先儒所論惡而不好者
或有已則薦好而反責人者彼二者善矣至於已則好之而反責人者
予深嫉之今中官即世兒子輩爲成佛經予許之議于政府皆曰可予
惟我國連年飢荒民不聊生未可公辦因兒輩私畜與本宮所儲爲之
且東宮任重已令大君監之不爲則已爲則當擇幹事者使掌其任予
聞鄭孝康好佛而有才行其文學何如諸承旨皆曰可矣但中官未寧
之時說精勤內殿臣等心以爲未安只緣情迫未得以聞佛若有靈必
有感通至于今益加誕妄不足信也上有好者下必甚焉願勿爲之
上曰爾等以造佛經爲非爲親不作佛事者誰右副承旨李思哲曰曩
喪父行佛事來者斷不行也殿下觀感所係不可行也左承旨黃守
身左副承旨朴以昌同副承旨李純之曰成佛經於中官無絲毫補請
罷之上曰爾等明知義理而我不知道者誤與爾等議其召臺省集
賢殿司諫卞孝敬執義鄭昌孫校理河緯地詣闕上曰高麗之季異
端盛行至我朝寢衰至于予收奴婢取田地罷宮中誦經及安居會弊

之大者半已除矣昔予遭母后喪三設法會 太宗又使予親往大慈
菴適有故不往實同予往也今兒輩爲其母欲成佛經予知非是不得
已可其言若等知之昌孫曰 殿下何出此言以近日之事觀之足知
詆妄臣猶欲還取施物何必更造佛經昔 殿下遭喪時 太宗命之
不獲已也今則進退在 殿下且知非是何必爲之 殿下雖革大弊
數四然重修興天又設慶讚自是奉佛者多今又成經弊不可勝言緯
地亦力諫 上曰若等謂昔之所謂 太宗所命不得已今予命之兒
輩可但已乎且 太宗朝寺院頽圯修葺者多予亦修葺耳創造則無
之興天 太祖所創不忍廢墜命修之旣修之不可無慶讚昔唐太宗
時皇后崩太子爲請立寺今何不然昌孫緯地力諍不已 上終不聽
孝敬俛首而已○甲午大斂內侍置大斂床于西階之西陳地衣褥席
於床上先布絞之橫者五於下用白細紵布二幅裂而爲六用其五次
布縱者三於上用白細紵布一幅裂而爲三用之次布衾次布衣或顯
或倒但取方正唯命服不倒捻九十稱舉之升自西階內人傳舉置于
尸南乃遷朝夕內人盥手共舉尸遷于大斂床收衾先掩足次掩首次
掩左次掩右取其方正結絞先以殺鞞足而上後以冒鞞首而下遂結

七帶前期爛熟牀米灰鋪於棺內底四寸許加七星板於其上以厚低塗
 閉七星孔設褥席于板上乃舉棺入置殿中小西以斂餘衣哀量宜鋪
 于棺之底內人共舉尸納于棺又以衣裳鋪于尸上務令平滿將生時
 所落齒髮及所剪爪盛于小缶實于梓宮內四隅王世子憑哭盡哀大
 君以下及公主以下哭盡哀王世子及大君以下退次公主以下皆退
 次內侍召匠加蓋漆而三衽衽以木為之其形兩頭廣中央小先鑿棺
 邊兩頭及中合處作坎形以衽連之今固底蓋相合處相合外面以漆
 塗之又以白絹束之縱橫覆以棺衣乃設奠遂殯于時御所西廳前期
 作攢宮于正殿中依北向首陽太君第之西廡以廡預量梓宮平牀
 長廣四面各加濶一尺五寸半以輓鋪地石灰塗其隙作攢宮基址次設
 地方木豎四柱於其上架椽拘椽作壁如屋之狀唯虛其東壁以竹簟
 貼其內三面及上用片竹縱橫挾之以釘釘之牢固為度又以厚紙塗
 之以紙畫朱雀玄武青龍白虎隨方貼之其外三面與上面先以泥塗
 之次塗正布次塗厚紙鋪油氈地衣于內設無足平牀施竹簟及褥席
 于其上時至內侍奉梓宮安於牀上南首覆以棺衣後以油氈重裹用
 白正布縱橫束之

內侍一人奉香卓前導次二人奉冊寶內侍共舉梓宮乃
 侍次一人奉銘旌次二人奉冊寶內侍共舉梓宮乃

行王世子及大君以下隨之就預作東壁機乃塞之加釘務令牢也泥

塗之内外塗排如上設白絹滿頂及白絹帳於外遠也復設靈牀於

攢宮之東南南向設滿頂置牀褥席屏枕衣被之屬於其設靈座於攢

宮之西南南向設平牀褥席及屏置交倚于褥席奉銘旌立於靈座之右

置冊寶宰于靈座東南設蓋扇各二於靈座前左右蓋扇皆用白紵乃

設奠又設尊於戶外之左置盞三於尊所王世子入就發奠戶外之東

西向哭盡哀大君以下在其後重行西向南上俯伏公主以下就戶外之西

重行東向上坐俱哭盡哀尚食詣香案前上香又酌酒三盞連奠于案

折外常設帷曲內人侍殯如平時禮王世子還喪次大君以下及公主

以下各歸喪次○傳旨承政院近日七十以上年老大臣久未肉殮予

甚憐之七日以後其令勸肉承旨等啓曰主上服素之內大臣雖勸

肉誰敢食之上曰年老大臣一日不可無肉何待予終制乎且予之

此言亦君命也其使老臣子孫知而勸之又曰前日議定喪制予更思

之昔漢文始自短喪歷代之君皆有期年之制逮至武后行三年之喪

且孔孟有曰三年之喪自天子至於庶人一也故今定為母服三年之

法然孔孟之訓泛稱三年之喪無父母之別至于宋朝程朱大賢也而

定為父在母歿則為母服期之制且予曩遭母后之喪太宗倣古制

立期喪之禮以為萬世法今改定喪制更變古禮何如其使河諱地更

考古制以啓○禮曹啓 王妃喪制世子齊衰期年十一月而祥十月而練十三

禫衣裳依朱子家禮齋衰之制用次冠武及纓布為首經腰經用生麻首

纓帶用生布桐杖上方圓下方疏屨造以白布布○卒哭前進見時卒哭後白衣

烏紗帽黑角帶白靴九于喪事著衰服練祭以練布為冠去首禫負板

辟領衰自祥至禫深染灰色衣烏紗帽黑角帶輝德殿行祭時及進心

喪三年禫後倚日依前意承徽齊衰期年背子即本國蒙頭衣長裙即

制用生布蓋頭即本國女笠布頭俗名結介竹叙裏腮用白布手衣用白布帶

用生布疏履造以白布卒哭後白衣裳黑蓋頭黑帶白皮鞋祥後以鵝黃青

碧皂白為衣履不用金銀珠玉心喪三年侍女背子蓋頭帶並用生布白皮

鞋卒哭後白衣裳黑帶黑蓋頭終期年平昌郡主東宮親女期年服與承徽同

內侍司鑰飯監書房色並齊衰圓領生布裏紗帽生麻布帶白靴卒哭

後白衣烏紗帽黑角帶終期年祥後灰色衣烏角帶禫後通著黑衣及

淡土黃衣烏角帶別監小親侍生布衣生布頭巾生麻帶東宮進見時

頭衣黑卒哭後白衣黑頭巾黑帶祥後灰色衣黑頭巾禫後黑衣黑頭巾

各差備人生布頭巾生布衣生麻帶白繩鞋卒哭後白衣黑頭巾黑帶

終期年右內侍以下卒哭後凡千喪事還著衰服牽馬陪正闕達陪寶
馬倍衣帶陪諸負等白布直領衣白雲鞋白行纏白笠熟麻帶卒哭後白
木髹腋注音衣黑草笠黑雲鞋白全帶白行纏祥後灰色木髹腋注音衣
禫後黑腋注音紵布木綿蓋陪橋子陪白衣白頭巾熟麻帶白雲鞋
白行纏卒哭後白衣黑頭巾白全帶黑雲鞋禫後與牽馬陪同紅綃
白旒標旗代以白綃旗期年後用黑綃旗白旒白衿烏杖代以白漆
杖終期年陽繖制用白紵布期年後用青綃柄黑漆鞍轡橋子皆裹以
白髹布期年後輦鞍子諸緣內朱漆之物改用黑漆金珠粧飾之物裹
以黑髹布後宮兩貴人兩東室兩別室並齊衰期年服與承徽同淑容
洪氏尚食黃氏典贊朴氏並齊衰期年服與承徽同侍女背子蓋頭帶
並用生布白皮鞋卒哭後白衣裳黑蓋頭黑帶上項貴人以下特御闕內及進
見時著白衣裳黑帶三十日後闕內淺淡服進見時著吉服出外著
衰服卒哭後闕內吉服出外白衣裳終期年內侍司鑰飯監各差備人
別監小親侍並期年服與東宮內侍以下服同首陽大君以下桂陽君
以下並齊衰期年心喪三年與東宮服同貞懿公主貞顯公主及諸
夫人並齊衰期年心喪三年服與承徽同大殿白木髹團領生布帶白

靴終三十日侍衛宮人成服後白衣衰黑蓋頭黑帶三十日而除內侍
司鑰司謁書房色行首飯監別監小親侍並期年服與東宮內侍以下服
同時御闕內及進見時著白衣黑帶出外著喪服卒哭後時御闕內吉服出外白
內淺淡服進見時吉服出外著喪服卒哭後時御闕內吉服出外白
衣黑帶凡于喪事還著喪服各差備人白衣生麻帶白頭巾卒哭後時御闕
內吉服出外白衣終期年侍衛近仗制盡前白衣黑頭巾白鶴掌白
全帶黑雲鞋牽馬陪著黑笠衣帶雲鞋與近仗同制盡後皆著吉服德
壽宮小功用稍熟細布大袖即本國長衫長裙蓋頭布頭須帶竹釵裏腮手衣白
皮鞋十五日而除宮主翁主小功服同上侍女背子蓋頭帶並用稍熟細布白
皮鞋內侍司鑰飯監並齊衰圓領布裏紗帽白靴別監各差備人白衣
布帶白布頭巾並十五日而除仁德宮翁主侍女服與德壽宮翁主侍女服
同內侍服與德壽宮內侍服同壽康宮明嬪懿嬪昭惠宮主義貞宮主
慎昭宮主翁主並期年背子用文等麤生布長裙蓋頭布頭須帶竹釵裏腮手衣白
皮鞋三十日而除侍女內侍飯監別監服與德壽宮侍女以下服同
王后總麻以上親並服喪守陵官齊衰服與諸君同侍陵宦官齊衰服與
諸君服同陵直飯監服與百官同各差備人服與東宮各差備人同至

練祭守陵官及內侍以練布為冠去首經負版辟領衰陵直飯監以練

布裹紗帽仍垂帶各差備人以練布為頭巾自祥至再期着淺淡服各

時並宗親駙馬文武百官並齊衰圓領用麤布裹紗帽用麤生布又造

麻用生白靴卒哭後白衣烏紗帽黑角帶凡千喪事着衰服終期年至練

祭以練布裹紗帽仍垂帶自祥至禫深染灰色衣烏紗帽黑角帶各道

大小使臣及守令服與百官同有職事前銜各品及成衆官白衣白布

裏紗帽生麻帶白靴卒哭後白衣烏紗帽黑角帶終期年軍官五品以

下白衣白布裹紗帽若着笠軍士通着生麻帶白靴十三日後白衣烏

紗帽黑角帶若着笠者終期年議政府錄事知印六曹中樞院錄事及

各司吏典白衣白布裹頭巾生麻帶白靴卒哭後白衣黑頭巾黑帶終

期年前銜堂上官白衣白布裹紗帽生麻帶白靴卒哭後白衣烏紗帽

黑角帶終期年忠義衛五品以下因本衛上請白衣白布裹紗帽生麻

帶至卒哭而除京外前銜大小品官及生員生徒白衣白笠生員生徒

白頭白帶白靴通着卒哭後白衣黑笠黑帶終期年生員生徒所由喝道杖首

抄螺匠白衣白頭巾白帶卒哭後黑帶黑頭巾終期年兩班婦女白長

衫黑帽笠卒哭而除庶人男女及僧徒白衣笠帶十三日而除凡卒哭

前禁用紅紫金玉之飾輝德殿入直宗親駙馬及內侍內直茶房殿直
等期年內入番時著衰服祥禫服色與百官同凡祭祀誓戒用公服致
齊用吉服散齋淺淡服烏紗帽角帶宗廟署官負文昭殿直月令別監內
官及別監各差備人等殿內著時服出外著白衣時御闕內入直侍衛大
小人負及軍士等卒哭前並白衣烏紗帽黑角帶著笠軍士等黑笠黑
帶出番時依他例大小臣僚衰服時若詣時御闕內及進見時白衣三十
日後近臣闕內淺淡服進見時吉服出外著衰服卒哭後進見時吉服
出外白衣凡謝息下直復命改銜時期年前著白衣烏紗帽烏角帶誕
日正至朝賀及拜表望闕賀禮時著朝服外方大小別常守令拜箋及
朝賀時亦著朝服○以國喪罷大小工役○議政府據戶曹呈啓咸吉
道入居新徙人穀種以軍資雜穀六萬石題給從之○乙未集賢殿副
校理河緯地稽古喪制以啓 上謂領議政黃喜右議政河演右贊成
金宗瑞禮曹判書鄭甲孫參判尹炯等曰父在為母期年乃 太宗成
憲為子孫者固當遵行也且程朱亦言之然程朱非以閱期即吉而短
喪也本國之人不識喪制昔于服母后之喪才閱一期而除凶從吉當
時朝臣亦閱一期仕官于朝至為刑憲之任此則不識喪制之所致

也曩者僕循言於經筵曰本國母喪之制非程朱與儀禮之意予始覺
悟乃立闋期從吉之禁今日卿等固請爲母服喪三年程朱豈不賢於卿
等而有是期年之論乎毋煩再請但東宮闋期釋服後服色僉議以啓喜
等曰東宮至孝哭而釋衰服著白衣終期中後以淺淡服心喪三年從之
○集賢殿啓昨傳旨司憲府司諫院與本殿諭以爲 王妃成佛經之意
臣等聞命不勝惶恐佛氏之害 殿下固已洞識其是非豈待臣等之言
今欲成佛經是雖出於哀迫之至情然今日成經則明日必設轉經法席矧
佛事特一時之事耳若成佛經則流傳萬世後世子孫稱爲某宗之所爲
因此兩大張佛法必矣本國自 太祖 太宗沙汰以來至于 殿下
排斥之法尤嚴佛氏之教幾乎熄矣朝臣沐於聖化九喪事不用浮屠
法者頗多今 殿下若成一部佛經四方觀聽者靡然從風佛氏之教
從此而復張矣假令佛氏爲靈則近日 王妃之病再設精勤祈禱
於宮禁猶未感應因此而可以知佛氏之虛誕矣請停是命 上曰爾
等通達古今排斥釋氏可謂賢臣矣予則不知義理崇信佛法可謂
無知之君矣爾等雖煩固請賢臣之言必不合於無知之君無知之君
之言必不入於賢臣之耳矧予近年多病坐於宮中但待死日耳爾等

侍從日夕可以知予之信佛與否矣爾等雖固執再請予未接見難以
 開說辨明爾等如或上章予未親觀難以洞識爾意勿煩再請○命
 集賢殿修撰李永瑞敦寧府注簿姜希顏等金書佛經于成寧大君
 第又命仁順府少尹鄭孝康主其事○黃喜等啓曰 殿下服未盡命
 使老臣等食肉臣等安敢忍食請待 上制盡 上曰禮有七十衰麻
 在身之文又云五十者非肉不飽矣待予制盡之日乎卿等勿復有言
 ○世子率百官成服其日忠扈衛設東宮幕次于殯殿前隨地之宜宗
 室以下文武百官俱就次易衰服副知通禮引王世子詣幕次書雲觀
 報時副知通禮詣幕次前俯伏跪贊請邸下為大行 王妃成服贊訖
 俯伏與尚衣進衰服王世子釋素服易衰服大君以下及公主以下皆
 易衰服時至奉禮郎分引宗親及百官入就位外庭排位如常副知通禮引
 王世子入就位位如成殯奠儀餘同大君以下公主以下俱就位王世子再拜哭
 盡哀大君以下及公主以下俱再拜哭盡哀典禮曰再拜哭通贊唱鞠
 躬再拜哭宗親及百官鞠躬再拜哭盡哀副知通禮詣中門外九內外節次皆指導後按此
 王世子哭止大君以下公主以下俱哭止通贊唱哭止與平身宗親及
 百官哭止與平身王世子還次大君以下及公主以下各歸次奉禮郎

引宗親及百官移班近東班首進名奉慰訖分引以出○上以永膺大君永豐寧海禪陽等諸君年幼不欲使服喪禮曹判書鄭甲孫啓雖年幼既皆封君義當服喪從之獨禪陽君年才八歲最幼弱不許服○山陵都監啓今當農月役使農民使之失時深可慮也其防牌六十補充軍別軍工曹尚衣院匠人東西江興利人市里商賈人各司奴子開城府各牌京畿忠清江原黃海道當領船軍依例赴役人外姑從權宜無度牒僧人並令徵聚役使給度牒欲受職者受職欲完護所居寺社者聽從之○丙申禮曹啓請依元敬王后喪禮於殯殿朔望祭及有名日祭降香祝上謂承政院曰母后在殯禮官稽古制俾予奠爵朝臣讀祝其後許稠言母后之殯奠爵讀祝之禮甚不可也予亦以爲然今王妃在殯與生平宮禁無異不可使外人奠爵讀祝其勿降香祝令宮人行之何如承旨等啓曰家禮但有卒哭虞祭祝文則其在殯之日無祝明矣請勿降香祝從之○議政府據戶曹呈啓忠清道各官穀種加給軍資五萬九百十四石從之○設初齋于藏義寺自初齋至于大祥齋輪設于大慈津寬會巖藏義等寺令仁順仁壽府內資內膳禮賓寺及內需所相遙辦之每齋大君承旨禮曹堂上各一人往參飯僧小不下八九千多至

萬餘人雜客數千丐乞人亦常萬餘○丁酉議政府據戶曹呈啟慶尚道失農三十三州縣穀種加給八千四百五十石從之○議政府啟允向化除職者或因其族屬強盛以招安之或取其才幹以任使之其他或以浮虜或爲生利而來者非徒無益於國家反爲有損宜當置之外方授之閑田以爲編氓今倭人未也甫等別無才藝請分置陸地州縣授田安業從之○召山陵都監提調曰今欲以文昭殿御室爲魂宮然此與本殿逼近每當朔望兩處致祭一爲奏樂一爲哭臨甚爲不可欲於御室之南新作魂宮何如鄭奉曰上教允當鄭麟趾曰若新作則力役重大以昌德宮報平廳爲定 上欲從奉議既而曰今年凶歉太甚加以山陵役重若又新作魂宮則兩處工役勢必難當其修葺報平廳蒲曰輝德殿○書雲觀擇王妃葬日以七月初七十九日爲定以啓曰初七日有害於上十九日呼子之日然是月之內唯此二日而餘無可用 上令李正寧鄭奉及諸承旨風水學官議之奉曰世俗葬父母拘禁忌至有累年不葬者 太宗深知其弊斷以大義自君上至士庶人不得越期葬之此法美矣宜當遵守初七日雖不可用十九日用之無妨柳義孫黃守身朴以昌李思招同奉議李純之及風水學高仲安等皆以兩

日爲不可用 上曰五月而葬不可違也予欲以七日爲定然此大事不可猝斷正寧與山陵提調同議以啓○對馬州宗貞盛遣人請送投化倭也麼沙其令與妻子相見從之

世宗莊憲大王實錄卷第一百十一

世若無惠大王寶錄卷一百一

新世三寶錄其令...

日與不相用 土百正民而養不可... 日與不相用 土百正民而養不可... 日與不相用 土百正民而養不可...

(B)
732.55
4724
[v.4]
no.35
0163693

昭和五年九月十五日印刷
昭和五年九月二十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)
732.55
4724
[v.4]
no.35